



北山小集卷第三

信安程



古詩三

夜坐

飢鳥夜啼棲復起
乞粟飛光透窻紙
捲簾萬瓦白生煙
桂影扶踈淨如洗
回腸正隨清漏轉
葉下空庭亂如霰
散青燈耿耿夜何其
雲篆吐蘭初一線
歲云暮矣萬竅號
霜天旅鴈求其曹
月行虛空幾萬里
群犬吠光聲正豪
蒲團瞑目空危坐
逝者如斯白駒過
悠悠昨夢不可攀
此身此心何日閑

春日寫懷

春風遍芳華一國盡狂醉窮閭獨不知但見長蒿薺
秋飈起蘋末一華初未墜幽懷獨先覺意象已淒厲
故知春與秋物不爲我計危絃自應悲寒木終易脆
要之夢中夢憂樂同一寐翻然詠軒丘心量浩無際

豁然閣

雲霞段墮西山飛帆拂天鏡誰開一窻明納此千頃靜
寒蟾發澹白一雨破孤迥時邀竹林交或盡剡溪興
扁舟還北城隱隱聞鍾磬

二十八舍歌示錢定國顯道

吳江尉

山川不捨驛與角亢臯孤豚殊不惡安身投筆事氏
羗何異天球薦房闈人心如面各不同蛇頭蝎尾吾
安容脂韋肯効箕箒能拔劍撞斗真才雄少年食牛
有餘氣大笑文章幾女工立談寧與子虛比危冠欲
入明光宮功成築室依故丘作書重壁垂千秋宸奎
一札呼不起閉門老死如黔婁爾來養生如養胃未
羨昂精力筆吏疲神畢慮子所訶鳳觜鸞膠誰汝試
觜以字同借用曾參忘心身亦空身如丘井心如風君言作解
皆魔鬼蒲柳松筠同盡耳三星在雷能幾許張拳且
擊關南鼓遊龍作御雲生翼軫地蓋天從莫逆

數詩述懷 庚辰

一生共悠悠今者曷不樂二十起東山誤為微官縛
三年瞬眸耳郵傳那久託四壁自蕭然青編束高閣
五更霜鍾動起視星錯落六律聿其周忽忽更歲籥
七哀我幽韻感念驚獨鶴八極豈不廣衰懷了無託
九原歎多賢死者那可作十里望煙村天隨去寥廓

讀陶靖節詩

吾觀靖節詩三歎有遺音卧看起詠之惜惜澹多心
盧鴻草堂歌白王徽方流
水音聽之惜惜澹多心 欲學靖節詩慎勿學其語心源
如古井衡氣光發字言無出言意妙語自天與譬言如

清泠淵月湛不可取欽崎阨驚湍乃若震雷鼓斯言
可深咏往往棄如土

八音歌贈別趙子雍餽之二首

金鑛具竒質百鍊出其剛石中含結綠追彼蒲穀章
絲也談有餘於道乃易方竹林醉黃墟誕放非古狂
匏瓜固非倫順俗豈所望土門謝惡友要若拒獠羗
革枉表斯正淳萍水乃清木貴就繩矩願言贈子行
金張珥漢貂况乃出天派石渠重儒冠武弁聊復戴
絲麻宜自任麤屨使有管蒯竹簡書汗青高吟當人籟
匏雖貴中虛植固須本大土耕戒莽鹵道耕惡疵類

革帶勿佩韋贈子絃作佩木強雖過中寧師伯夷隘
寫懷

宇宙一火宅我身寓其間靈臺真逆旅憂喜更往還
其來不可却條去不可攀宜然閉六鑿暫使逆旅閑
中虛本無住夜半移舟山身隨事物化鬢與寒暑班
祭此業累深始知定力慳况茲塵沫聚豈比金石頑
顧影忽自笑吾心定何顏

和楊秀才友夔二首

天地有肅殺好生本無傷陽施待秋成相濟如宮商
芸芸共欣榮衆葉蕤蕤光回頭失故林蕭條弄微陽
獨有歲寒姿掀髯尚低昂流膏亦歸根晬如養中黃
大哉一氣中人心自炎涼安知晞春露不異腓草霜

秋日

誰謂方寸地并包無故新長宵不能寐萬緒愁攻人
展轉計後有攀緣及前身苦恨隙駒疾回嗟穢塗辛
被衣問何其夢覺兩不真白鳥固已空青燈聊可親
念此紙上迹皆爲窖中塵投卷嘿忘我拙雞已鳴晨

秋夜

三吳足秔稌狼戾及宋梁故爲胥門隱未辦耕南陽
豈無如雲稼竭澤歸富強收成一過眼胼胝念黔蒼

綿綿太平區阡陌盡八荒願從鼓腹游自放逍遙場
貴賤均飽煖蒸黍等膏粱那令力田夫一飯不可望
秋郊

同餘杭尉江仲嘉襄道人陳祖德良孫遊
洞霄宮

太湖隱吏迂且頑手板柱頰看西山筆床茶竈向何
許往來洞庭林屋間舊聞西門徹懸雷留故整煙艇尋
茗川却驚天柱矗雲表勢與太華爭擎天幅巾跨馬
及曉鼓逸思自覺奔春泉其誰從者二妙士金庭老
客南昌仙齊驅共語失長道但見平阪連桑田籃輿

後繼獨不語卑息栩栩山聳肩崗回澗曲若無路萬
壘老翠漫秋煙二山對起鎖詰屈僅容蹄轍通人寰
羊腸移險在平地九疑山色荒聯綿穿松酌水尋二
洞低隱巖腹高山巔山巔石室如列厦接肘可置千
賓筵最憐西洞隔凡處凝去乳絡壁留空圓我將拂
袖去不返戲擊雷鼓揮神鞭三華寶衣立可致九赤
班符何足傳只將尻輿駕神馬豈顧家火燒凡鈿又
疑靈物之所宅如孕變化蟠蜿蜒金龍玉簡投不滿
恐復下與東溟連我嗟何地非聖處火聚正坐青雲
軒目前閭闔晝自啓電頃已超天地先正緣一念重

山嶽障破何啻重城堅就令信脚到仙宇凡骨至死
包腥羶膠膠世網浪自纏會當去之如虬蟬誰能白
衣傍金馬且復錦袍乘釣舫金庭客南昌仙他年與
我乘八景舉手少別三千年

灌竹

戶樞不容蠹展轉夕與朝死水不赴壑淺於杯所膠
人生戒甚逸起我少自勞呼僮續長綆落落鳴桔槔
携瓢傍脩竹灌灑繞百遭念此十二君竹十二
竿手種離群自
江臯移栽一年餘已長數尺梢齋前雨霜叢歲久根
已交交根纏籜龍卷葉不復搖聊蘇夏日畏未謝春

雨膏蕭蕭便生涼霍若雲霧消却坐井邊石清泉濯雙
骹宮閑但數數聽以老圃嘲豈敢運甓比漫欲滋枯焦

送江仲嘉褒東還家山方將從赤松子遊

為作仙遊之詩以相步虛云

空山月出栖鳥驚濺濺暗溜山間鳴桂陰暮歷夜香
冷有人步虛聞紫清翩然騎麟下青冥君非遠遊定
方平雲駟冉冉風袂舉左右玉立花娉婷手摩我頂
一笑粲別來彈指三千齡至言不煩去畦町齒下端
有真長生忽然縱身浮太廷却笑煉砂飛八瓊採芝
方壺濯南溟秦姬吹蕭緱氏笙茫茫齊州九宮塵人

間可哀胡不聞

武夷君有人
間可哀之曲

到官兩旬四走山野作詩以自勞去

上山偃伸如望天下山偃仆如深泉胡爲持此不貲
寶來試萬丈懸崖巔前人見踵後見頂反足鳥道相
攀牽欬然置我章貢上水激石罅奔雷填荒塍曲澗
無遠近渺渺不見墟中煙土岡鑿路狹如隧蘇壁藤
薜蛟虵纏寒風颼颼失白日上有萬木蒼陰玄航溪
之深揭其淺碎石齧足聲號川茗山發我一長喟彼
有吳市人中仙飛瓊練玉存故處祇有井竈無霜鈿
我今正坐五斗米悔不辟粒從期佺向來吳松厭羈

旅三歲半逐鴟夷舩故教筦庫着踈嬾坐守兀兀聊
窮年安知求逸得奔走豈異避挺蒙戈鋌咄嗟萬事
無必計努力唯有歸園田

按圖經茗山有梅福鍊
丹竈故有飛瓊之句

吳正仲提舉至游堂

妙喜寄鍼穎太公浮海漚脩然一環堵安住有至游
內觀如寒龜無縛浪自囚外遊如渴鹿逐藪無時休
安知至游處不止亦不流廣文來東南持節十四州
江海見函文雲林入衣裘平生山水國不滿一轉眸
高堂坐隱几笑遣車下牛虛簷白日靜顧眄九極周
是中有至樂可以忘春秋却來觀世夢聊復憂人憂

和立德祖惠山詩一首

好山如幽士勝絕不可攀
往者天姥夢長謠愁謫仙
茲山出平野秀特無株連
招提倚雲錦森然見林巖
幽尋無十里正處閑忙間
入門心目靜世累若可捐
靈泉出土脉汨汨無流難
茶神瀹浮乳方士沉餘丹
我生猿鶴姿頗有山水緣
何時共清賞杖屨窮崖巔

用立德祖韻送毛彥時二首 庚寅

往者玉樓客棲遲感秋蓬
龍鍾江海士屑屑悲窮冬
孟郊有暮天寒風悲屑屑之句
今我亦羈旅號寒思祝融
故鄉邈千里胡馬長嘶風
平生飲最少亦復賢聖中
其誰共談笑

無乃志所同伴官備文質
榘楠飾雕櫳毛子亦好古
擣辭麗春工飄然適我願
一舸來自東明時獵英奇
備問羅臯忽逢辰若公等
附鳳雲從龍遙知賦伐木

相望有梁鴻

梁鴻東遊思其友高恢作詩曰鳥嚶嚶兮友之期

斷港冰未泮海風起蓬蓬
君行亦良苦浮家秋復冬
故人一相遇醉覺心形融
道舊有深樂班荆餘古風
何當度揚子起視東井中
未應迫期會促步佐一同
况當萬燈燃流光煖疏櫳
胡爲即言別繫書憑鳥工
空令千里月團團出天東
解舟動樓禽破曉啼怱怱
酒闌城西道已失銜燭龍
振衣一回首瞥去如鷺鴻

西園詩話 爲宜與鄭主簿賦寓軒一首
物生太空中巨細同一寓機緘固有待舟壑本無住
土儀立毫塵萬化失朝暮要之儻來寄正自墮形數
滔滔人間世俯仰若泡露浮遊比日適然蚊睫漫來去
着身方丈室聊作槁梧據了觀諸幻境內外絕欣惡
須知五蘊山今我聊託附回頭主人翁妙住了無處

君明出留題吳江詩次韻 辛卯

包山水脈通西垠森然林屋開東晨飛仙下視三萬
頃豈異滴水陶家輪時時餘浸被吳楚赤子鱗鱗哀
漂淪松江一支東入海海道今者皆揚塵遂令洪波

洄不吐禹跡莫辨僞與真滔滔利往橋下水省照黃
綬孤吟身月輪行空萬籟息尚記此境清無倫當時
苦恨無好句空負歲月臨江津得公新詩妙入理羊
酪敢方千里尊公言御名勿作境會取捨過客由來均

題滕司戶虛舟庵和韻

萬族同一海至人乘桴浮狂風鼓溟壑安問指與鱗
擾擾墮濁水蚩蚩守臧舟其誰善游者動寂兩不作
紛綸萬境前了了轉趣幽愛君虛舟句勿遠虛舟求
倘伴曹掾中聊作虛舟留長維五蘊山亦泳愛水流
飄搖度夷險不喜亦不憂我乃寒淺人褊心屢招尤

君心果空曠永矣從君遊

謝羊曹詩同江趙潘集以鍾監博山爐點硯石屏為

題予得鍾監分韻得金字鍾監蓋響板也

形製如鍾背作雲雷紋面可監我曹創為

之銘曰癸巳作鍾監子子孫孫永保用張

有篆甚奇古

帝軒工鳧和九金童丁御名炎成婦壬戲驅豐隆發

凝陰雷轟轉列缺光下臨飛精入乾天機深四規闕明

追蠡瘖厥聲鏗宏中黃林隱如霜相降豐山峯豈惟正

衣冠佩簪對之炯炯生肅心應而不藏無古今監之

無窮叩逾音至人之心我所欽槃盂不須銘且箴

再分題得易分韻得醉字一首

吾觀空劫初妙蘊固無示誰令南北海七竅鑿元氣

靈龜出洪河六畫乃其寄庖犧觀天巧創物發奇秘

太虛本無邊小大隨汝視窮之得幾深見者自仁智

或從鍊丹砂或用資卜筮終然有神護回祿翻引避

絕編固冰釋覆瓿正心醉却懷投閣生寂寞發長喟

中書故四雨霽同仲嘉小酌父之雲開月出光照席

舉翫無阻止頗發清興戲作此詩

初月脫氛翳微雲遞疎光徘徊照庭戶皎皎海清揚

爲宜興鄭主簿賦寓軒一首

物生太空中巨細同一寓機緘固有待舟壑本無住
土儀立毫塵萬化失朝暮要之儻來寄正自墮形數
滔滔人間世俯仰若泡露浮遊皆適然蚊睫漫來去
着身方丈室聊作槁梧據了觀諸幻境內外絕欣惡
須知五蘊山今我聊託附回頭主人翁妙住了無處

君明出留題吳江詩次韻 辛卯

包山水脈通西垠森然林屋開東晨飛仙下視三萬
頃豈異滴水陶家輪時時餘浸被吳楚赤子鱖鱖哀
漂淪松江一支東入海海道今者皆揚塵遂令洪波

洄不吐禹跡莫辨偽與真滔滔利往橋下水省照黃
綬孤吟身月輪行空萬籟息尚記此境清無倫當時
苦恨無好句空負歲月臨江津得公新詩妙入理羊
酪敢方千里萼公言 御名勿作境會取捨過各由來均

題滕司戶虛舟庵和韻

萬族同一海至人乘桴浮狂風鼓溟壑安問指與鱗
擾擾墮濁水蚩蚩守藏舟其誰善游者動寂兩不侔
紛綸萬境前了了轉處幽愛君虛舟句勿逐虛舟求
倘伴曹掾中聊作虛舟留長維五蘊山亦泳愛水流
飄搖度夷險不喜亦不憂我乃蹇淺人褊心屢招尤

君心果空曠永矣從君遊

同江趙潘集以鍾監博山爐點硯石屏為

題予得鍾監分韻得金字鍾監蓋響板也

形製如鍾背作雲雷紋面可監我曹創為

之銘曰癸巳作鍾監子子孫孫永保用張

有篆甚奇古

帝軒工見和九金童丁御名炎成婦壬戲驅豐隆發

凝陰雷轟列缺光下臨飛精入範天機深四規闕明

追蠡瘖厥聲鏗宏中黃林隱如霜降豐山岑豈惟正

衣冠佩簪對之炯炯生肅心應而不藏無古今監之

無窮叩逾音至人之心我所欽槃盂不須銘且箴

再分題得易分韻得醉字一首

吾觀空劫初妙蘊固無示誰令南北海七竅鑿元氣

靈龜出洪河六畫乃其寄庖犧觀天巧創物發奇秘

太虛本無邊小大隨汝視窮之得幾深見者自仁智

或從鍊丹砂或用資卜筮終然有神護回祿翻引避

絕編固冰釋覆瓿正心醉却懷投閣生寂寞發長喟

舉難施即止頗發清興戲作此詩

初月脫氛翳微雲遞踈光徘徊照庭戶皎皎涵清觴

寒愁不可排磊塊如高岡煩君着酒澆身世得暫忘
舉觴漱明月似覺幽桂香擬吹三江水洗此九轉腸
中霄起四顧河漢生微涼飄然想風馭夢寄無何鄉

過吳興城北超覽堂

佛子固多幻開軒納群山平疇展摩訶回塘紫玉環
新荷麗朝日一一發清妍引簾北窓下雲嵐揖高寒
超然醉司馬寄傲羲皇前座有眇道士長謠九華丹
張翁老篆癖勢力逼之果鶴濡毫記姓名天矯龍騰淵
日沒群動息城陰靜娟娟長林有歸翼吾駕亦言還

眇道士謂劉貧子是日
張有以篆字題名壁間

奉陪知府內翰至下山有詩五首仰王德泉

下維吳興鎮傑出衆山外晴朝自生輝韞玉見竒態
新阡表南陽獨據山水會青松三萬本已復出蓬艾
靈泉發道左天遣資灌溉既初無一綫溜泛濫欲浮芥
披榛佇方空餘浸忽可澮清踰金沙泓甘比中泠汎
朝涵下峯雲暮作雲溪瀨豈惟供百瀆旱歲亦多賴
殷勤五丈夫隨喜奉微盃有松出
偃其上嘗聞瑜瑾姿德與君
子配茲泉爲人出固是神所介當令王德名相與流

千載

庵居

幽亭名思洛寒潭俯澄虛回頭三百年勝地成荒墟
公今草堂址無乃昔所居環之碧玉峰帶以清泠渠
流泉響琴筑松竹皆簫竽妙哉無盡藏一爲我娛
東岡作蘭若鍾梵鄰樵漁亦有桑柘村旁開蔬菓區
何煩引三徑故自與世踈主人去霄漢夜直承明廬
斯遊入清夢儻寄空中書

朱氏山居

欽崎寶山麓亂石如鬪獸雲根盡中空嘘吸弄昏晝
茲山頗似之無乃共靈犯御名如何在人境有此泉石圃
深巖隱蒼翳竹樹兩森秀坡陁接煙磴足力恣所究

恍然天地開遠目千嶂驟中營五畝宅何必封石窀

朱公死其妻與諸子守之

桑麻無外求茶果供日富天條列僮奴花
草更黼繡生生所應有取足謝奔走嗟余四方志老

大無一就對此寸心驚無因託圭竇

西庵

是公固麟鳳入獸不亂群吳儂欲爭席但見一幅巾
籃輿從去逋客上下寂寞濱却行共談笑媿此禮意
親行行得西庵杉竹含清薰解衣靜盤礴虛窗暎煙
紛濡毫散珠幾咳唾不自珍曳從轉曲足長林蔽浮
雲旁連東迤邐上有高嶙峋穹窿見深洞刻如敞重

聞往者玉京子翔空駕飈輪于今蛻骨在堅重踰蒼
珉頗欲窮其源燃犀問蛇神鉤穿忽無間信有仙凡
分却尋招提路松風亦隨人潺潺石橋水洗盡荆吳
塵胡牀興不淺已覺千山曠

夜歸

日入三籟息群山鬱蒼蒼巾裾濕煙霧宛轉度澗岡
涓涓暗泉鳴冉冉松筠香林梢吐纖月露葉瑣碎光
歸來叩禪扉幽燈對繩牀相羊有餘適笑詠白雪章

翰林是日
自時數首

同遊道場何山二首

道場山

何年宰堵波獨立妙峯頂憧憧五湖舟黑月仰光影
千章列雲犯御名靈液走甘冷隆樓絕清空橫側見峯

嶺下窺三州聚塵末集毫穎振衣薄雲漢萬劫彈指
頃遼遼天宇大出沒笑蛙井堂中老比丘奮迅頗精
猛擬分數椽地飽飭卧清境何必少陵翁聞鍾始深
省

何山

謝公滄海士眷眷在林壑飛輿下層巒及此日未落
翩然何山麓古澗謝疏鑿方橋跨清冷鬱密交翠樞

通幽更窮深木末見楹楠琅璫鳴老屋拉攏相倚薄
莊嚴布金地藤葛土花剥當年軒裳客小隱事鉉削
能令此山名谷口振京洛如何給園居勝士又不作
豈唯雪山輕顧恐泉水濁周行一泛覽懷古嘆冥漠
安知千載人不作來遊鶴化鶴來遊
事見圖經

同遊勝林亭次韻

會意不在遠巢枝良有餘居然勝林境魚鳥皆欣娛
危城俯回谿歸航數風蒲幽蹊接遐觀褰裳欲凌虛
却顧容膝地清陰繞扶踈念此晨日長言旋更踟躕
翰林留新句體骨超黃初深藏恐飛去照夜空江湖

同葉翰林游虎丘分韻得丘字

四顧渺平野孤撐見林丘常疑湧地出儻復海所浮
上有千人臺靈蹤想前修無情肯深義頑石亦點頭
下有百尺淵神光干斗牛陰崖不見日草木皆先秋
兩晉多達士東亭抑其流結廬遠車馬寄此山之幽
一朝施白足弃去如毛輜矧伊桑下宿肯作賈胡留

同葉內翰遊南峯竊觀壬辰舊題詩謹次

嚴韻

道林彌天辯妙譽傾斗南山陰有餘賞禹穴或已探
晚歲折舌筇杖茲焉寄伽藍呼鷹閱神駿對客手自

談却顧夸奪子心兵戰方酣當時蹇驢葦蹴踏豈所
堪斯人不可見荒徑昔已諳青鞵踏松月幽燈照禪
龕爾來十五年身世猶朝三霸游了無帶飛蓬轉毗
嵐愧此石窟人堅持證那含石庵間有道者坐禪如公世所挽明
堂要樟枿徘徊弭玉節聊酌需泉甘老乃澗底松霜
枝鬱絳絳尚有蠹書癖囊中密如蠶中年痼泉石此
外無餘耽從公恣幽討形疲意猶貪安得五畝園旁
營二空庵心游萬物表曠若巨海涵恨無買山具撫
境思驩叅却超每聞高隱者輒傾財資之

葉翰林有徐熙桃竹方尺許索詩輒賦一首

寒禽抱幽叢意得窺綠淨天華媚霜筠慘澹若春暝
胡僧手幻藥納此方池境重重互涉入妙悟付毛穎

仲嘉錄示新齋聯句用韻書懷奉寄一首

我歌無庸歸禮意固有屬渠儂方不顧欲問何拘曲
乃知交際難不若逃空谷憂端浩無窮日飲思枕麴
文求世人笑字異山鬼哭龍鸞閱斯冰劔弩對繇鵠
鴈門既呼卿司武或見桔閉關固自如青簡得三復
誰能足趑趄情彼手翻覆汨汨無紆轡絕迹慕前躅
故人有新詩遠寄資賸馥鳴嚶相復和流飭斷還續
華如三女粲學陋一夔足謂夔足吟餘寫幽懷寒思慙

刻燭

夜寒大風洶洶不能寐用前韻作一首

朔風如長兵犀兕貫七屬寥寥挾霜露浩浩入空曲
羈禽無安巢凍獸吼冰谷枯摧殒壓山石走塵飛翅
終朝恣飄鼓衆竅似歌哭客懷正無聊默念歎鴻鵠
窮愁巧相尋夜氣將恐枯羲娥不我待始妬今已復
黃昏歌苦寒達旦幾翻復悲蛩尚啾喧餓鼠時躑躅
青編置床頭芸竹有餘馥枯腸浪自苦無食安能續
平生僅識字無地寄雙足呼僮并書眠傳記真舉燭

遷居城北蝸廬

有舍僅容膝有門不容車寰中孰非寄是豈真吾廬
不作大耳兒閉關種園蔬茅簷接環堵無地可灌鋤
不作下榻翁一室謝掃除平生四海志投老河魚枯
願從素心人不減南村居蕭然冰炭外傲睨萬物初
坐視蠻觸戰兼忘糟粕書聊呼赤松子伴我龜腸虛

北山小集卷第三

北山小集卷第四

信安程俱

古詩四

蔡州葉翰林寄示近詩次韻八首

浚治西池

世間潢潦生科斗聞說西池歲時久不應朝滿夕已
除秋至先衰等蒲柳知公旁觀久技癢聊試它年膏
去苗手泥塗不忍海波臣畚鍤故煩牛馬走嘗聞汝
水行地底出沒川源無不有濺濺忽作寫盤珠盎盎
俄承漑脉酒清涵荇藻更姿媚明燭鬢眉見妍醜巢

蓮永無龜曳尾雨花定有魚頰首使君佳政盡如此
說尹遙知不容口何由步履逐春風作社慇懃就田叟

諸葛菜

二雄未辨誰朱紫祗有群狙聊作使卧龍偃蹇正躬
耕一飽但知藜藿美平生習氣故難盡品藻蕪菁傳
錦里投醪飲河真有味置薤留根何足比要知茹草
可終身肯作染羔美搖食指公今嘯諾坐堂上方丈盈
前寧少此戲持微草調諸僮筆勢滔滔下南紀云亭
漫更食不足幾欲送窮煩鬱壘拔毛蒸瓠當家鴛漱
石枕流徒厲齒因公始識武侯鯖蓋地何當似茱苾

茱苾車前也退之詩
榆莢車前蓋地皮

九日雨中對菊忽忽塊坐用雨中對花韻 三首

曾中有天游一室未為迫永懷東籬翁那復有此客
重陰敗佳辰長雨不為澤堆壓對黃華菜色被臧獲
黃華亦蕭條伴我雙鬢白猶能相响濡嫩葉供小摘
去年搔眉山痛飲真得計新蟾繼秋陽明潔謝點綴
今年坐蝸廬簷簷溜落空砌花開信多雨會少苦分袂
茫茫大塊間游子况無蒂百年能幾何行復驚改歲
危心如危絃未斷先凜凜風庭忽知秋中夜未安枕

力行無遠塗積縷成重錦男兒未蓋棺雅志安得寢
榮衰非所念身世固已審亦復羨久生聊爲老錢飲

魏文與鍾繇書云仙平悲冉冉之將老思食秋菊之
落英輔體延年莫斯之貴謹奉一束以資彭祖之術

下山信至三首

公昔舉阡隴二毛不勝簪扶杖事耘植伊嗚雜呻吟
耿耿霜露感遑遑蓼莪心浮雲爲愁容鳥獸亦哀音
徘徊動行路下比元與任宿草今已長新松鬱森森
尚有五芝秀熒熒爛如金爲公賦南陔凱風吹我襟

公廬墓堂之生廬次道
旁故有五芝之句

行雲本無心虛舟但乘流主人非逋客不使芳杜羞

鳴騶入山谷黽勉赴所求明知廊廟具豈爲猿鶴留
朝來尺素書聯翩自巖丘平安喜筠栢寧論橘千頭
豈無木石居吾非若人儔旣與世同樂那容不同憂
往客雪溪上舒娥幾虧盈深窮下山境勝槩不可名
柴車逐公游登臯復臨清夜投阿蘭若松窓待朝明
濟勝劇許掾評詩陋鍾嶸靈滋初可抔龍籜忽已萌
斯游今幾時坐想飛泉鳴尚應几杖間隱隱金石聲

金石見杜子美寄聲
事蘇大侍御書詩

題葉翰林閱駿圖

葉公龍友天下才當年麒麟天上來儒童抱送大一

况下游閭闈觀瓊臺高標故自賞神駿肯使餘恨遺
蒿萊帝閑食粟幾千駟盛氣勃鬱馳天街穩銜金勒
立仗下俯視冀北皆馱駘些言黃不來八龍遠尚有寫
照埋氛埃短屏高障久零落意象崢嶸求其儕收羅
絕足共一處引素便覺風沙開偉哉十馬盡殊相神
物變化須風雷騰驤振迅各有態豈顧短脰空徘徊
持韁頓轡者誰子無復墮淚鳴聲哀刷燕秣越安足
道會逐銜燭西山頽其中一驥屹不動尾垂青絲蹄
卓錐安知萬里志未已但見寂寞如寒灰龍眠老筆
不再得幻化百億紛驪駟鄭生晚出擅圖兒盛名欲

與曹韓偕肉身飛入九天去清都樓觀金崔嵬玉花
照夜不論價想見火齊珊瑚堆只今此畫已難致肯
戲秃筆霜殘煤千金市骨意不淺對此慷慨傷虺燼

元夕塊坐因用葉翰林去年見寄元夕詩

韻寫懷

兒童逐遨戲先春禱春晴心如飄風快日若冰壺明
寧爲惜日計所願佳節并老來見紛麗如乾闥婆城
流光不可挽譬彼空中聲那知節物佳脩然謝將迎
幽燈對簡編歷歷記所更斯須閉關卧羣息驚雷鳴
寤念北山北田家已催耕胡爲異鄉火空寒猿鶴盟

短日良易暗凝陰有時晴何人勸之照燭燎背爭明
今年春苦寒寒威劇幽并連綿積三白雲埋闔廬城
深泥浹新雨行路無人聲蒸燈不來下箕卜豈復迎
朝來日照梁天氣忽已更稍聞橋市間簫鼓遠近鳴
吳人尚游樂急如赴春耕唯有窮巷士守窮如守盟
西安謁陸蒙老大夫觀著述之富戲用蒙

老新體作

文人意何長縱目文史足琅然五行落洞視不再讀
作書兼遠熒衆妙探玄竺公作莊頌般若頌數百篇時時歌四始笑
捧五經腹高堂發新藁重複羅籤軸觀之類窺管諷

味得膏馥蒙老号爲連韻如云風捧諷馥

白頭書生黑頭翁長安時花幽澗松遠飛近啄雖異
志天命厚薄無雌雄鈎深采博燥喉吻守此一畝蓬
蒿官杜門不出交二仲木陰澗曲遙相通紫囊貝葉
資藝苑欵關一見踰三冬亭亭漫吏多所歷乾死書
螢心似漆王門賓閣不留行赭顏趺足搜泉石茅簷
正欲結雲根竹葉榴花薦餘瀝當從元亮賦言歸木
茹麻衣永投筆蒙老号爲合離葉名如當歸木筆

昨夕風月頓清獨坐中庭夜分不寐條然
四顧寂無人聲如在塵外作詩一首以寫

一時之適

鄰家雙井桐下有暮翠庭晚來微風過已復含秋聲
歸舍對環堵筠窓亦泠泠月輪正行空洗光自東溟
常星爲失色肯與纖雲并廓如淨琉璃中有玉鑑明
太虛本無滓心目固自清浩然天壤間洞視萬古情
數日春物甚麗坐閱歲華偶成古句

東皇駕蒼龍超忽了八區清明風從冰輪際轉入厚
地潛嘘濡周行無間寂無迹但見動植咸昭蘇葩如
醇醪入花骨凍塊一一成豐腴花光照空日色醉天
宇蕩滉青蓮敷爛霞漲淥萬堆雪剪刻不用施鈿朱
銅丸書漏五十刻銜燭緩轡經天衢游人正與春物
競汲汲磨蟻同馳驅固知一氣共舒慘機關默動非
人須孰居無事主張是繡黼萬象歸無餘青黃赤白
豈有意應見略似摩尼珠區中代謝未有極故自有
物無榮枯

陳君學正草堂成提點大夫梅十五丈有

詩且蒙借示見邀同作謹次元韻因以叙懷
行藏固殊涂臭味非一族或莪冠攫金或被褐懷玉
持身凜冰淵或洞洞屬屬和光略畦町或落落碌碌
或來儀帝庭或去隱王屋堆豕肉生髀馳鴛跡重足

或委餘膏梁或不厭杞菊或翬飛千柱采錯煖金綠
或蝸盤四壁分光待鄰燭要之皆幻寄眇矣太倉粟
明冥默乘除塞馬更禍福陳公作茅齋足以媚幽獨
苟全真易成知足定不辱有門晝常關何必在巖谷
向來萬金堂奔走九州牧一朝巢自焚始悔突不曲
何如東郭舍椽柱隨把束張志和築室曾稽東郭
采椽不斲茨以生草脩然已
忘世肯嘆碩人軸我今客吳門飢卧謝僕僕年來寄
蓬茨慕此高讓俗夏統傳有夏禹之
遺風秦伯之義讓室中了無藏鼠竊屢
驅逐衰懷百念冷對境無可欲窮通如四序損益正
三復衡門可棲遲薄酒等醺醪吾聞老聃言為腹不

為目

近遭小寇故
有鼠竊之句

十月五日集季野家歸作

賢愚孰無營急景信可惜如何闔廬城乃有此閑客
懷安豈初志運甓有餘力相從無何鄉邂逅一日適虛
窻得朝陽寒凜作春色琴書羅斐几一淨如拭畫沙
見竒蹤落屑非近識似追永和還未覺正始隔崢嶸
衡霍圍莽蒼雲夢澤時華玄低叩幽鳥共深寂誰驅
此變幻戲納方丈域慙公傾春釀澆我憂思積豈無
車公語謂方
回顧匪伯仁匹自
謂長檠蠟華推起視霜月白
酣歌美清夜擁髻侍通德參差吐幽妍墜落麗芳碧

觥籌不留行爲問此何多言歸謝主人五斗安可極

戲示江協律漢

酸寒北山尉樵粹孔州守枯魚同處陸濡沫賴詩酒
當時年尚壯意氣亦何有祇今雙鬢華十載一回首
仕初君似遇遊倦吾已醜邂逅記昔遊空嗟漢南柳
再和一篇以荅固窮之句

車行有險夷初不入天守乘顛了無擇正自全於酒
我身天地間毫末寄九有正當帶笈笈省章甫誤加首
久知田園樂不信村野醜平生笑何人戚戚柳州柳
江再和戲荅四篇

當年季將軍晚節河東守誰令一人譽揮去坐使酒
長卿起遐陬落筆賦烏有要之乃雕篆意不在黔首
窮通付造物世俗浪妍醜何必送五窮呼奴結車柳
長言屹秦城古例開墨守三年不窺園一吻莫飲酒
斯人浪自苦初不繫無有何如從子微亦復問賢首
此身未能了何暇念億醜超然方丈間觀化肘生柳

右二篇
寫懷

君家翠嵒翁三一父已守與沈愛欲泥寧飲聲聞酒
當知華藏海正在十二有他年涅槃門無路須北首
胖然一心定六賊如獲醜感彼志冰霜吾裹等蒲柳

右一篇
屬仲嘉

太平一春臺好在四夷守持盈何足道飽德醉以酒
君為樂歌詞嘉瑞無不有不知府中士誰子號稱首
如君具嫵媚孰謂施媯醜故應洗餘累令君繼溫柳

季野見和次韻二首

季野與予嘗為左
右史先後知潤州

談遷太史令趙衛淝西守妙齡中青錢大筆笑元酒
一麾分隼旗七載去螭首行看賈生還固異顏駟醜
何許從宸游金鞍繫宮柳

此身非匏瓜圭竇可長守初為弦歌計肯飲中山酒
深虞委司敗政術空無有故將老衡茅敢復歎華首

公詩金錯刀刻畫無鹽醜應憐五霸韓定作三黜柳

次韻葉內翰游西余山用袁奉議韻

甲辰

平子愧明略長卿真倦游岑箸儻可佩瑤玉豈復舟
舊聞西余老猖狂白蘋洲毫端寶剎見塵起大地收
奮迅師子王虬蛙視蛟蚪向來大滌翁晚節萬戶侯
襄陽一轉語富貴真雲浮此道久已微砭砭混琳球
念昔過茗雲尋谿亦經丘同游今安在十載一瞬眸

嘗與江仲
嘉至西余

幾欲挂長劔刻舟笑延州焉知甕中人寂默

無春秋香爐著古廟一念萬劫休安得五畝園良苗
接平疇脫身飢寒外結友高勝流二邊無餘習六賊

可盡劉誰能使危腸一日一萬周須公謝三旌故事
追羊求青鞵一幅巾來往山之幽且復載明月深潭
戲垂鈎

次韻江司兵寄示所和趙司錄相從飲解

嘲之句

卜居林塘靜禽魚樂融融陽和一披拂照爛繡工
柔條冒繁枝幽香來晚風誰謂武陵遠臨清千樹紅
俯仰村郭間從容聖賢中暮見月圓缺餘光入疏櫳
朝乘日車作坐守四壁空遙想趙與江屈身簿書叢
正類鸛雀碧未爲覆盆烘祿隱寄簪笏神游在方蓬

時時望西山把酒一笑同茗盃傾石鼎山蔬出筠籠
不妨問中聖何暇賦惱公趙子五車腹春秋富終童
居然出其類儼如黃髮翁江子事超曠町畦漫無封
但見磊砢姿温温若春濃人生迭相笑傖父嘲吳儂
鴟夷與井餅憂樂殊初終具當從所好迂轡若爲容

空相僧舍書事

癸巳

午景入踈竹堂陰筠粉香疏簾撲空翠無風自微涼
碁聲破禪寂日轉幡影長霏煙觸垂瓜泛乳搜枯腸
投局起尋勝徘徊雨花堂巢窠蓮見靈龜信有千歲祥
徐觀乃跋鼈圍圍循荻蔣笑罷得歎息是非可兼忘

却坐對談塵冰松想千章斯須二三子矯若鸞鴻翔

府中有料理不作功曹狂杜甫為功曹云東帶發狂欲大叫簿書何急來相仍是日江趙潘以幕職事去

戲贈江仲嘉司兵

君不見謝公栖遲樂東土起作司馬征西府莫年談
笑有穰孫鶴唳風聲走強虜又不見子猷剡川高興
闌肯隨鶴書落人間不知騎曹底官職朝來柱頰看
西山平生清真翠嵒老泉石膏肓偶同調歲寒落落
見孤松不忍低眉寧枯槁年來無米繼朝炊聞說吳
興富魚稻不妨來作古司兵士卒投醪止鳧藻美哉
洋洋雪溪水秋塘百里荷花繞當年釣徒放浪處醉

目悠然送歸鳥斯人不死世不識往往凌波弄瑤草

君方叅同犯御名龍虎我欲治平荒種稊棗會當月夜

見庖眉一笑超然凌八表張志和自号為江湖釣徒

次韻和江司兵淞江觀潮

寥天月魄更旁哉歸墟兩潮時去來乃知大塊與人

等欠噫風動聲為雷支川千億具毛竅四溟翕張玄

牝開人閒百刻乃一息斷岸飄鼓如輕埃三山橫控

江海際俠以幽闕雙鬼鬼偉哉吞吐王百谷視彼淺

狹具臺陪倒流千里駭凡目正自違性同棗杯相傳

昔者楚亡將事成國霸遭雄猜英靈不沒尚為尔姓

字往往欺啼孩錦鄉功臣老元帥酒酣拔劍歌莫哀
戲令強弩飛勁箭大堤屹立藏風桅吳兒荒怪不足
錄適與支諾資談哈豈知六合有常理水中出火能
焚槐當年謝公正游樂遺形物表如王駘微吟獨嘯
向海道幾見銀雪西山回讀君新句寫竒觀便似放
自吳王臺何當共此散煩鬱大瓠五石充瓶壘更因
長風破巨浪與君挂席尋蓬萊

送趙子畫奉議歸睢陽用能倅韻

丙申

紛華眩人劇朱碧子獨好書如好色王孫被服甚寒
生射策君門先破的榮州書窟三萬卷錦囊付此庵
眉客南游句吳北大魏亦復徒勞問刀筆不唯唇齒
腐經史正自雲山鑠肯臆老來息交思簡事爲子忘
劬廢晨昔春風滿帆送歸舸回首清游如昨日知君
名駿定千里不待朝廷訪幽側有書時寄鴈南飛顧
我漁樵正爭席

同趙奉議離吳興江仲嘉與其兄仲舉送
百餘里醉中戲作此句一首

大江飲酒如澆灰小江縱酒顛如雷扁舟相送不道
遠百二十里雲帆開云亭老人窮不死故園茅屋荒
蒼苔闔廬城中一畝地已辨甕牖鋤蒿萊吳興上佐

吾黨士十年縱賞西王臺眉間黃色袷綵服拖樓長
嘯春風回要須醕酌酬此別不離萬頃添金杯明朝
相望即湖海縱有美酒何爲哉

蝸廬有隙地三兩席稍種樹竹已有可觀

戲作七篇

吾聞鄜侯國產菊千丈潭采華食其葉垂根漬芳甘
遂令鄜川氓難老如彭聃庭前有古井秋霖發清涵
慙慙東離綠覆此白玉盃時能嚼新菜汲月散餘酣

菊

種玉未渠久踈篁長兒孫勝會不在多何須辟疆園
我觀榛蕪地塵思縟且煩蕭森對此君清涼徹心源
草木初無情妄作淨穢觀乃知識種子正是生死根

竹

微華若么鳳倒挂茂蔚中鳴鳥不可見幽懷寄芳叢
初移幾寸苞稍展兩翅紅能使寂寞濱餘妍映蒿蓬

鳳仙

峩冠百草頭意象出其類望之似木鷄正自五官廢
寧湏斷其尾無乃假予臂可復近幽窓談玄有深詣

雞冠

嘉生苦不榮凡草忽猥大君看庭中竟易長劇狼狽

初無封植意不見蟲鳥害穰穰筠菊間紅紫不可殺
微功尚足收染我槃中菜

紅莧

芭蕉中無堅壁言彼泡夢幻了然觀我身生死知一貫
學書端未暇覆鹿眞自亂一雨過空庭秋聲入深宴

芭蕉

水青雖楚楚不復中棟梁黃封入雕檻亦足被寵光
朝離糞壤區暮上君子堂胡爲伴幽獨墮此一畝荒

水青

黃嘉父朝請公彥示詩以不數面爲言且索

近著次韻謝荅一首

黃公游不成白髮奉朝請東歸樂間燕有味如雋永
雙鳧倦朝飛獨鶴方夜警知余亦衰窮繫馬無復騁
貽詩重瓊玖未展意先領勞生厭塵霧對此得暫屏
終當遣長鬚亦復釣縮頸相過舉清觴野水吹萬頃
君當傾錦囊我亦倩毛穎時尋招提勝蓮社比宗炳
如何迫寒餓去掉聊一整興盡即言歸江湖足佳景

和楊彝甫靜妙軒

君家執戟郎寂寞墜天祿蕭然劉畫外那用相窘束
居無甌石儲但有書滿屋君今老衡茅出處異蘭菊

靜中獨觀妙四達開惠目中國鬱黃華庭下森翠竹
飢來索盤食小極須睡足時當叩君門爲問梅子熟
過毛達可友給事覽壁間舊詩次韻二首
堂前清颺發樹外赤日西坐令天壤間氣候忽不齊
解帶席嘉蔭長哦壁間題故應有神護塵土不得迷
前年歎公門鷦鷯亦已啼今年復羈旅庭莎欲鳴鷄
西游有底急觸熱忘卑棲似爲飢所驅不計輟與蹄
綈袍意弥厚槃飡洗羹美熬磊塊久不澆醇醪代朝齏
襄陽乏新句夜直難相携

黃華非不佳寒澹每見少蕭蕭亦無言懷抱不自曉
深嫌小桃天欲伴霜松矯窺叢慰寂寞時有南飛鳥
主人眞賞寄灌植勤便了徘徊傍東籬高興在鹿表
坐有白頭生臨風百憂繞

北固懷古

阿瞞長驅壓吳壘飲馬長江投馬筆英雄祇數大耳
兒彷彿芒碭赤龍子幄中况有南陽客布衣躬耕無
甌石當時鼎足計未成聊此一竒空赤壁人隨流水
去不還卧羊頑石留空山如今留石亦煨燼山與長
江相向閑

靜中獨觀妙四達開惠目中國鬱黃華庭下森翠竹

印 出 如 六 十 端 亦 廿

深主坐 阿兒 去 齋

江相向閑

焦山

子陶自博學其為博取儒術之類此亦公何術之公
物未妙其為好善同厥古之治文亦其公何術之公
然 德如志之
高其亦然

然 目 胷 迷 鷄 蹄 壑 曉 表 馬 表 水 無 集

晉書 卷之四 焦山碑記 碑文 碑陰 碑側 碑背 碑首 碑末 碑額 碑座 碑趺 碑身 碑帽 碑脚 碑心 碑面 碑背 碑側 碑首 碑末 碑額 碑座 碑趺 碑身 碑帽 碑脚 碑心 碑面

北山小集卷第五

信安程



古詩五

秋華無幾尚有些紫薇相對里巷間

晚花如寒女不識時世粧幽然草間秀紅紫相低昂
榮采事已休重陰悶深蒼尚有紫薇花亭亭表秋芳
扶疏綴繁柔無復粉艷光空庭一飄委已覺巾裾涼
手中蒲葵筵雖復未可忘仰視白日永淒其感冰霜

傳冲益寄淮口阻風及清淮道中詩二首

又次連水一首用其韻和寄

時冲益罷九城編脩東歸

群玉聚名雋作書如九丘回觀白虎儒譚淺安可侔
傳子故疏爽十年嗟滯留歛嶠百憂後晚爲造物收
平生未見書頗足資吟謳縱未服豸角且當佐螭頭
安知免官去觸熱送濁流清朝正須才洗垢方鎮浮
豈使三語掾垂綸逐群鷗譬如飄風頃終濟萬里舟
青山照長淮氣象一方冠清光湛溶溶洛尾殺湍悍
斯遊今一紀回首若朝旦塵容故如昨凡骨終不換
但於憔悴餘生死知一貫歸田食不足乘障力難捍
折胷委吏間亦豈愧儒緩自君彈冠西吾事足悲惋
坐看秋空雲已復澹河漢鮮歡柘杓乾絕學編策斷
西山雖爽氣烏幘安敢岸思君笑言樂日送歸翼亂
朝來得新詩一一錦繡爛塵膺久結約邂逅百憂泮
何當索此身久矣次山漫

故人尺素來天際頗憶當年任守壘平明一笑百事
空不作細書書紙尾寄書五湖夸海岱入眼滄溟無
百里軍城崒岼枕青山地脉遙從岱宗起題詩要爲
寫高閣播颺意欲先糠粃晚登南宮頭已白却駕朱
轡臨泗水丹燒未辨令威鶴神游先跨琴高鯉可憐
蕭散竹林士埋玉青山骨空委人生一世偶相值轉
首羲娥不停晷西山妙蹟欲仙去爽氣朝來盡如洗

遙知吊古一長喟引勝澆愁付浮蟻有詩淮上可徵

吟會有流魚出傾耳

米元章當時自稱游漣守墨寄書吳江求海岱樓詩云軍宅枕岱一支左海八十里在目

中真偉觀也詩來當為刻之楹間故有如前數句云

周萃秀才惠詩次韻酬之一首

病驥伏長坂悲鳴想戎軒游魚落枯肆墮淚臨河墳

古樂府有枯魚過河泣

人生道脩阻趼足窮崑崙崙沈淵探驪頷一

跌萬鬼隣我老不解事區區筭沙塵讀書亦良苦肉

視餒且貧為文富詼笑初不救否屯尔來自箴切習

氣不復存方將補黥劓寂兀謝世紛朝露視窮達春

冰釋癡嗔君胡創推激發我情與昏如君東吳秀俊

拔昔所聞名駒始就秣意氣已不群抗讎市門客豈

堪同日論

秋雨三首

細字忽難讀松窓失朝暉開簾視天宇屯雲疑去如

鬻霏微乍噴洒翕忽看淋漓斯須建百川中庭即方

池秋雷亦動地勢洶萬鼓擊虛簷忽無聲蒼狗變白

衣飄搖露穹碧涼颯洗蒸炊雨師真解事作止適所宜

十日儷辰次如環了無端人言秋甲子畏濕不畏

乾向來誰門道旁立三尺壇故動壁間緣一起泥中

蟠青衣躍且躁有如沐猴冠先聲忽洒道直此辰與

干迓來朱句決三見急雨寒黃流抹河草連橋度平
瀾良苗有佳色未覺千畝寬時暘亦須早無使江潮

羽頃年吳江大水斷長橋
翻吳人相傳爲太湖翻

華首三不遇求田亦良圖莫嗔湖海士豪氣故不除
扶犁本吾事二頃終勝無繞舍生蒿蓬閉門種英蕪
從渠百尺樓笑此蝸牛廬吳中父卜隣會從故人居
荆溪一塵地儻與求羊俱屠門過大嚼一雨喜有餘
正恐二三子聯翩躡雲衢空令千里駕悵望黃公壚

林德祖周憲之皆居蘇
郭慎求田園在陽羨

過紅梅閣一首

春風如醇酒着物物不知能使死瓦色化爲明艷姿
寒枯出繁秀巧與節物期江梅故幽獨綽約不自持
居然北枝後迨此白日遲春風日浩蕩醉色回冰肌
清妍有餘態衆芳謝凡卑憑虛一回睇俯仰歲月馳
所恨培雪根向來歲寒枝差池弄芳晚坐令顏色移
顏色固嫵媚幽香無故時

周憲之用余送趙子雍詩韻作屬德祖及

余同作二首

嗟我涉世路有如陸推舟尋常不可冀况乃萬里流
安能逐驪駟超忽十二州雖然晚聞道淺嗜如孫休

往者謝靈運種瓜從故侯家山三畝宅白首遂首丘
一為飢所驅復作漫浪遊曲意浪圭角終然足以老
焉知大隱地亦復懷百憂

大雲吳中士妙學兼般舟筆下走三峽胸中包九流
考古自墳典探玄極方州別來十五年邂逅一笑休
作書不求聞取重唯相侯尚北宮獨冷塵埃志跼丘
尔者稍薦賢蒲輪遂西游會當君相間作詩繼何尤
遥知市門子人不堪其憂

德祖居吳大雲坊
自号大雲居士

劉朝散長源淮夫劉先生彝之子孝悌有
賢行年六十一且致仕侍其親義興為賦

詩一首

劉侯六十衣綵衣上堂娛戲如嬰兒慈顏華髮顧之
笑坐令寒日生春暉折胷斂板三十載晚登名籍黃
金閨緋衫裏東不料暖况坐筦庫窮刀錐古心古貌
乃天與雖欲嫵媚將安施一朝拂袖不回顧擇隣問
舍荆溪湄人言家徒四壁立如君四壁初無之我知
劉侯有至樂視世五鼎同糠糜分陰不博雙白壁啜
菽自作羔豚肥有兒教飭知禮節不以口耳傳書詩
應門侍坐走前後翼翼異想見名家規天恩優老命之
仕俸繼祿食安其私古人未必兼有此篤行知足如

君稀聖皇側席思厚俗詔取八行登前龜向來蒲輪
走四海有賢如此誰當知真鴻一舉不可挽道路仰
首空嗟咨

題蔣永仲蜀道圖

梓州別駕真雛鳳賞古探竒坐飢凍要窺瓊犯名尉
藍天直上潼江歷秦宋每逢佳處靜盤礴流出胷中
九雲夢乾坤塊土本無迹我獨毫端發神用戲驅萬
變寄陶寫軒豁端倪巧搏控蒼筠擢秀飽冰雪古榦
撐空中梁棟竒礪那得在山谷回首何年委堅重輪
困偃蓋屈金鐵天矯驚虬起巖洞春江莽蒼迷東西

漢南老柳參差垂湮中遠近見木末明星已沒城烏
啼平生險怪三峽水古木龍從陰風吹石間雷雹殷
九地出入噴薄無窮時我身趺足半天下偃蹇故是
山林姿南行瀟霍北嵩洛應接不暇空狂癡作詩寫
意如捕景况有三絕窮天機清晨對此恍自失眼中
太白橫峨眉請君十襲秘緹華恐復仙去歸無期

寄開化李令光四首

我行阡陌間苗麥已復青茅茨間新稟鷄犬有和聲
不見吏索錢田家得其生鷄犬亦肥字不遭無事烹
於斯可觀政豈在赫赫名父老亦相語驩然就春耕

官租及時子卒歲樂無營
李侯諸生秀莪冠論玄虛安知俗吏事小試已可書
瘡心究人瘼要使安田廬慨然有竒趣耿耿非世儒
乃知百里間亦足寄所攄誰當索幽隱置彼九達衢
山間古梅林有鴉集其端不飛亦不鳴彈射莫敢干
下窺群雀雛啄頰剝其肝欣然舐兩爪意得良自安
飛來多凡鳥助此凶且殘安知萬山曲亦復鳴棲鸞
相咻固不可見嚇技亦殫衆鳥既有恃相期在歲寒
平生四方人情地隨蓬桑故鄉二頃田稊米寄太倉
從渠雀鼠耗敢計松菊荒未能思計然錐力折救尾芒

十年乃一歸歸席不煖牀吾廬正如竒縣府固相忘
偶聞賢長官邂逅尉所望吾寧媚之子故是衆所臧
同叔問諸人以橘栗柿蔗爲題以東南之
美爲韻余得橘美字韻一首

三間老沈湘嘉頌誰與美白華發幽馨春色薦甘醴
金衣光出懷縹實酸裂齒豈無三百苞未見十二子
緬懷商山翁善幻亦徒耳壺中何足道干剝一毫比
我今老而窮餽粥思乞米恨無千頭奴杼軸供萬指
慇懃祝移根勿作江北枳

仲嘉分題得詩分韻得經字是日仲嘉以

事先歸代作一首

六義出秦火至今如日星
人言三百篇聖手昔所經
我疑東家丘削迹不自懲
羈臣與孽子中有怨刺情
胡為不刪去被彼絃歌聲
遂令甫白輩不識至道精
昔為人所重今為時所輕

時禁作詩

建除一首酬林德祖處

癸丑

建旟撫方面簪筆登雲衢
除書無虛日念子何躊躇
滿堂羅經史問字無停車
平明戶外屨接迹叩所需
定坐為詳說從周述唐虞
執經退食罷貝梵頗卷舒
破魔無堅壘解髻皆明珠
危絃寡知音寂寞空居諸

成詩遠相寄尺鯉來東吳
收之巾十襲永好不可渝
開緘歎竒決已作東歸圖
閉蕃着空舍誰辨公車書

仲嘉被檄來吳按吏用非所
長既足歎息而或者妄相窺
議益足笑云戲作十二辰歌一首

驅驥搏鼠難為功不如置之牛
皂中平生暴虎笑馮婦豈向兔
脚分雌雄龍山從事盛德士達
觀已悟虵憐風馬曹五斗直如
寄羊仲三徑終當同群猴憎猿
坐殊趣雍中醢鷄無遠度從渠
狗曲請玉生欲辨龍猪復誰語

聞仲嘉叔問繼以職事行縣道遊茶山及

諸勝境作寄一首

春風入山骨毛甲亦已舒晨熹被春山草木清而殊

况乃顧渚源雲關護靈區陰崖氣亦暖瑞草先春敷

小杜詩茶稱瑞草魁

金沙出清泉甘冽滋芳腴依依楊柳村渺渺

桑苧居前瞻大小寒

名山

窈窕窮崎嶇飛流吐明月轉

壑千雷車參天亡陳檜霜黛鬱不枯當時臨春地變

滅成榛蕪安知歲寒質千載獨不渝大中乾元字入

木蛟鸞俱薰風想佳句奇蹤典刑餘獨往三佳翁至

今有遺墟真游豈易遇庶或聞沉榆

方子通言頃有好事人刻意仙術聞施翁

遺跡故往訪之臨歸但聞妙香不絕云泥榆之香事見王子年拾遺記

飽聞東吳勝欲往世累拘

二子獨幽討仙舟繼籃輿林間伯勞飛茶篚春事初

尚有北枝秀明空雪千株幽香發清夜肝膽生冰壺

王事既料理清游亦忘劬遙知山水間快若縱壑魚

今我方祿隱居然卧蝸廬畫墁固無役反如著轅駒

亦擬浮扁舟乘春經五湖收帆白蘋下令子見潛夫

二子數以書見招為扁舟之游故有此句老杜幾回書札待潛夫

園屠荒蕪春至草生日尋野蔬以供匕筋

今日枯枿間得蒸菌四五亦取食之自笑

窮甚戲作此詩一首

平生嚼嚙口出語無媚悅定非肉食姿賦分在藜藿

僑居得空園窮陋亦清絕分陰豈不惜飽睡送日月
蕪菁不須種衆草今已茁朝來一雨過青細皆可掇
東籬有更生杞狗僅堪埒乃知天隨生豈羨五鼎列
堂萱不吾負芽甲破春雪摩身薦瓢簞解我憂思結
薺花雖未繁着地爛於纈驚雷發蒸菌自可當夏鼈
馬蘭亦芳脆人莧固凡劣晴朝當去炙背俯僂事挑
挾家人各盈襜汲井手自挈滿炊太倉陳侑以冬菹
冽盤中長闌干置饋每虛撤恨無穉龍苞此味那得
闕長謠青青槐饒液想庭樾妻孥覆相誚男子志勳
烈君非老浮圖菜本可長齧况茲閑草木豈爲刀匕

設乃翁笑摩腹萬事付一呷此中有真趣勿爲兒輩說
同趙叔問江仲嘉遊法華法華之勝唯曲
水會有客先焉還飲舟中分韻賦詩得山
字一首

乖龍忽起華陽天東來銜雨鳴空山豐隆轟空光照
地怒髯抉石翻雲煙蜿蜒遺迹尚如昨勢若九曲來
何源紛紛火齊散林莽至今璀璨青霞端我來夏末
正森寂萬籟筵筵抽琅玕冰渠逗玉轉清淺巫氣五
月生秋寒安知引勝獨無處雙鳧徑度飛帆前強尋
幽遙俯東澗一笑却掉稽山船如聞神物家近岫

雲色千丈明山川誰能遺我太平酒戲追玉斧希林

巔揚羲夢天中白龍長數千丈光彩耀空云侍帝晨常龍也以待許玉斧諸人太平酒希林宮並見真告

同江仲嘉納涼飛英寺

浮圖湧平地翳彼燒空雲虛堂引脩廊白晝來清薰
脩然據胡床振我衣上塵天渠出金沙氣作芝蘭芬
冉冉度池閣依依著裾巾道人拂朱絃攫醪清且純
回觀笙篳耳寡和非陽春步屨縱幽討禪房逕踈筠
幽窻不見日無異昔所聞蒼然小山桂偃蹇冰雪根
紛紛壁間題蛇蚓雜鳳麟媼妍等一戲日月無停輪
我老厭羈旅三年困歎氛年年走長道東越西游秦

白汗信揮雨孤蓬坐如焚今年下茗雪過此金蘭人
何山豈不好積翠相依因炎威不相貸可望不可親
須君蠟燭屐重來約秋旻茲遊亦蕭爽聊足慰吾慙

九月七日夜夢王元規詰旦其弟元矩適

相訪感而作詩一首

故人入幽夢彷彿平生懷心知九泉隔意象慘不開
哦詩不成章愾悅誰能裁曰此蕭爽士寧當復黃埃

夢中作詩兩句似是此意然不記本語清晨客在門乃自烏衣來典荆兒難弟

共歎一息乘幽明不可詰此夢何為哉回觀南園道
微徑已蒿萊

南窓夜集叔問戲取樟木腦然雪爲燈因
共燭一息與仲嘉叔問聯句一首
性空本無方水火不留礙致陽生至陰中此理固有在
問初疑水林火槐忽若鏡加艾致又如大海中神龍出
光怪冰姿映烈焰勢恐不兩大原燎正炊騰湯沃忽
崩敗嘉洎洎煖泉涌熛熛寒光碎問偉哉六合間恢
詭不勝載陰風結飛雨來自九天外蒼樟出芳液根
節依大塊初非氣相求又豈天所配如何冰炭仇乃
作坎離會因知造化機幻手端可貸致

九日塊坐無聊越州使君季野舍人見過

敝廬會方回承議亦至因遊章公山林登
覽甚適越州置酒暮夜乃歸作詩一首

獨坐正搔首華軒欵柴荆念茲節物佳及此夕雨晴
駕言共幽討一放遠目明森蒼我蚕眉山上有百尺亭
遙岑出西南杳謁川原平城中十萬家煙雲隱飛甍
涼秋得遐觀始覺天地清朱欄據木末開筵敞南榮
持觴屢相屬泛彼東籬英不知日云暮初月忽已升
秋娥亦徘徊流光代華燈風流龍山集坐見千古情
慷慨相顧言曜靈急飛騰人生無根蒂聚散不可憑
懸知明年會相望若初星公如洪都宴傑閣依青冥

儻有英妙客摘文煖丹青我如斜川翁浪愛九日名
幽憂不能寫濁酒或自傾會與鑑湖老茲山聊復登

方回自号
鑑湖遺老

夜宿承舍即事呈蔣大匠存誠蘇少監元老
羣動夜方息啾啾草間鳴殘火未云謝遽作涼秋聲
秋風來幾時朝暮氣已清虛窻置方塌境寂身暫輕
卧念平生懷展轉不得寧

王生一言善從容水衡丞無功樂佳釀能令濁流清
顧我老且竒微官代躬耕正當急跨馬問訊桷與楹
觀公成風手一引朱絲繩簡書可少置頗哀此無能

和同舍胡元茂松年夜直書懷

南枝挂明月羈羽無安眠天寒倚脩竹窈窕誰當看
平生飽幽獨古井不復瀾一來英俊中夢寐猶林泉
夜直石渠閣周廬別閑寬恨無清藜杖照此清夜寒
腐儒足嘲病志願食與眠潭潭右文地不作朱儒看
翬飛接觚稜碧瓦如澄瀾儻使論白虎寧當賦甘泉
人間未見書縱目宇宙寬顧語芝蘭友勿嫌松桂寒

北山小集卷第五

北山小集卷第六

信安程俱

古詩六

趙叔問過別留夜話偶閱鮑溶詩有感用
韻作

磨蟻不停足故交益無多向來若谿夢但有高軒過
昂昂芝田態長飢玉山禾顧我老且窮吹毛從鳥巢
何當寂寞濱紉蘭共捫蘿非無煙霞志奈此飢凍何
言離更躊躇參橫照斜河為公睇金臺慷慨徒悲歌

北山小集卷第六
方時敏見和再作屬時敏

世士窘邊幅如公患才多欲方曹劉駕似恐不啻過
居然東吳瑞豈但異畝禾試令南宮直文采照錦窠
華髮乃未遇高花繞青蘿千載鳶肩生低頭客常何
一朝風雲上顧豈求監河勉旃安固窮聊復曳屣歌
得小圃城南用淵明歸田園居韻六首
城南美林壑城上皆青山山光照庭戶於此可盡年
穰穰千石區化作魚蒲淵秋蕖渺無際紅鮮間田田
邂逅得小隱連山在其前流泉帶其左松篁接風煙
它年營把茅不待雪滿顛寧圖五鼎食坐失十載閑
願比小人腹一食期果然

說難死韓非法敝歎商鞅當時軒冕計肯作刀鋸想
辰來陰影集事過流電往胡為意無窮機械日爭長
俗中多局促正覺斯道廣斯道不可迷荒塗闢榛莽
年大百無味區中故人稀京江一都會卜築行當歸
儻回故人車雲關訪荷衣時來吐情話未覺世相違
餘生甚窮獨四海誰與娛故鄉道脩阻宛在太末墟
向來親仁意正擬城南居烏衣丈人行玉樹珊瑚株
所冀隣里間徜徉從所如如何漳濱卧使我恨有餘
會當悟杯蛇靈府靜以虛且復陪杖屨敢言通有無
緬懷斜川人勝日追隣曲超然睇層丘鷄黍聊自足

却觀夸奪子勝負一棊局空懷千歲憂
畫短思東燭長安冠蓋區九軌三廣陌
不知烏帽底誰獨適吾適定無羊求子
相與數晨夕莫言三徑微永杜聲利隙
流風有仍孫心不受形役朱門見蓬戶
華榜標世績二仲儻可晞忘年賴謙益

此篇屬蔣尚書仲遠

偶書二首

我身如甘柘既壓無復味一為老所壓乃與枯柘類
出家既後時止觀苦昏睡唯於讀誦中味出甘柘外
不作筭沙人依語不依義

經云譬口如甘柘既被壓已倖無復味壯年盛色亦復如是既被

老壓無二種味謂出家讀誦坐禪也

壯膏日已減老炷安得久亦如臨河樹岸墊根復朽
久生安足羨抹死常飢走誰言黃老師語異竺乾叟
生死未嘗關知為不亡壽

經云壯膏既盡表老之炷何得久傳以譬燈炷也

感春三首用退之韻

春物感兵氣微陽有無間遙天覆長路仰視青漫漫
歸來如新燕巢土初未乾投跡浪自喜乘和亦翩翩
安得出八極舉身青霞端

今晨風日佳積潦亦已退安能如寒龜自繫形骸內
春風入桃臉巧笑已無賴誰去五畝園浩蕩了無外
流年不可攀短髮久已白星星亦種種那復三萬尺

春光浩無邊淡池周八極向來游樂地擊鼓森牙戟
賤貧非所歎稅駕無安席常虞風濤際咫尺燕越隔
却笑同谷翁哀歌諒何益

和柳子厚詩十七首 庚戌

覺衰

老境一如此羲娥日交侵霜毛三千丈安問尺與尋
陳力會知止嘉言佩周任歸來北山北邂逅得素心
朝見東日外暮見西日沉流運有終古朱顏豈常今
譬之如澠酒豈耐無停斟萬化未有極誰能惜分陰
捕影良自苦沈哀寄微吟安知菩提樹正在生死林

長風振遥壑三籟有餘音

同趙叔問涉澗伐荒藪得大石壁立喬木

蒼然上蔽雲日因平築尋丈地時憩其下

夏初雨後
尋愚谿

披榛亦捫蘿度此幽澗曲寒藤繞蒼壁杉桂雜篁竹
雲泉固膏肓大勝谿壑欲彼哉機士懷冰炭甚寒燠

曉起 獨覺

勞生垢濁中長夜不知曉幽人自超然下視正膠擾
巾冠及鷄晨夢覺常了了

趙叔問被召赴

行在

零陵贈李卿元
侍御簡吳武陵

登山集六
登車大梁下掃迹金川湄佳人倚脩竹鈿華爲誰施
滔滔大塊閒一一窮途悲今晨尺一書趣駕當及時
盤石久不固慙懃濟時危豺狼尚縱橫蔓草恐復滋
當宁正嘗膽諸公力猷爲老子意不淺長哦江漢詩
示從父弟偉晨訪超師
院讀禪經
汝年近知非我老過艾服向來萬金書一紙百過讀
安知復一處林壑時追逐茅茨稍經營杭稔今已熟
壺觴悅情語步履三徑竹安能捨冰墟蟣虱吊湯沐
相期戢良規不辱在知足

早涼過西塢

旦携謝山
人至愚池

尋壑轉松嶺雨餘秋氣清時時捨籃輿散策亦意行
石磴縈龍嵒幽泉高下鳴蒲團蔭嘉樹兀坐已忘情

卜築西塢

南澗
中題

出處初漫浪淹留失佳時時英盡珠璞寧復見誰差
一去四十年伏櫪久已疲幸此歲將暮穿雲弄清漪
窈窕煙塢中蒼陰晝森垂茲焉寄茅屋橫久任所宜
谷口藜杉竹柴門畏人知誰言一丘壑儻與汗漫期

寫懷因簡趙叔問

造法華
寺西亭

胡塵暗中原世路日以艱脫身九死中自笑老且頑
才志本不競拂衣謝塵寰相從莫逆人雲蘿共躋攀

固知千里駒未免山復山漢武謂劉德千里駒我已西谷背崖

結三閭豈無風篁嶺亦有明月灣西湖之西有風篁嶺洞庭山有明月灣

平生真遠遊舊觀忽以還兒童釣遨處陳迹猶班班

疊嶂藹空翠暗泉響餘潺采芝之堪巖下長謠想商

顏山行得紫芝三逋客不復駕居然掩雲關從來悟泡影

豈但忘觸蠻所幸戎馬際餘生得長閑

終日塊坐無與晤言戲作溪居

大音無成虧寂默無瑕謫莫嗟無往還正自主忘客

談玄口挂壁對境心似石相向兩無言秋山倚空碧

示了空長老贈江華長老

老空嗜酒肉早歲事禪寂歸來山中舍杖屨不停跡

高門走縣簿兩版局四壁醉來草閒卧度此風雨夕

遥遥慧日峰法涌分一滴應笑北山人藜羹比香積

寄芟湖江仲長袁初秋夜雨贈吳武陵

急澗無止水秋蘭無故叢別來今幾年坐閱毗嵐風

交親半鬼錄生者仍衰窮及茲過君家樽酒一笑同

知我厭鞞鼓煩君韻絲桐相携步林壑暫覺萬慮空

檇社寄莊叟謂醉鄉者無功謂仲醒來蒼髮集尚

寐期無聰甫謂

天久不雨高田皆坼鄉人祈禱閱月乃雨

遠近告足有足喜者

首春逢耕者

言農日雨

長夏久不雨良苗失欣榮塵生圃澗閒小大空營營
麻粟半乾死所憂負春耕嗷嗷走香火靈湫汲寒清
梵唄喧里社油雲被嘉生俄然下甘澤驩聲接柴荆
年年鎬京宴及此萬寶成偷生得一飽感慨難為情
顧念龍在野悲歌淚縱橫

寄江彦文緯

秋曉行南谷經荒村

往追雙玉人芒屨踏巖谷阿咸今獨往宰上森拱木
公來定何時舊唱猶能續尋壑復穿雲仙山看飛鹿

壬辰歲與彦文仲嘉縱遊山間時余作詩有雙玉人人阮阿咸之句又戲作豐韻詩為酒令前日復以數句相調稍欲尋盟矣故有舊唱猶能續之句此

山有鳩曰君讓石間有馬跡相傳神仙所嘗居不知君讓為何人也武夷山有飛鹿

十二月二十三日大雪中種物

巽上人以竹間自採新茶見贈

密雪弥四極紛紛亂空華斯須失千嶂僵木忽以芽
眼中萬株春璀璨通巖涯迨此凡艷熄坤輿淨無瑕
蒼根移遠梅不憚澗谷遐含冰伴幽獨思慮無由邪
寶樹發銀界無脩證三耶皎皎天宇外何勞凌絳霞

梵語三耶三佛亦云三藐三菩也盧鳩一十志歌有云皎皎之子曰獨立

野人致紫竹栽手植方丈後

再至界圍巖水簾遂宿巖下

名山昔遠遊老罷無復覩永懷避世士往往寄農圃
移家白雲根及此未春雨桃梅足新栽把玩喜欲舞

可無紫琅玕葉作翠鳳羽龍光松菊徑蕭散煙霞聚
雌雄比懈谷顏色蓋南浦龍鞭雖未行玉茁亦已吐
咄嗟勿留情萬物乃吾府

竹十二竿故
有懈谷之句

得白菌引酒徑醉

郊居
歲暮

春霖接歲寒鮭菜已久索誰持王輪菌侑我金鑿落
安知老瓦盆平昔滋味薄得此徑陶然朱顏忽如昨
辛亥正月六日夜雷已發聲大雨達旦山
中流泉高下噴薄殆不啻九十九不減仇

池也

湘口館瀟湘
二水所會

故歲聿其除

去

微陽已潛回始茲魚上冰殷地驚春

雷急雨暗清夜飛流散巖隈遲明起四顧妙境神所
開未信小有洞蒼崖隔凡埃瑱淙十九泉漱玉松風
哀褰裳喜欲狂幽興不可裁妙喜真斷取呼猿定飛
來相與俯清駛傳杯聊溯洄

戲書古句題山居

青山秀色若可飡卷書飢坐看南山樂哉洋洋巖下
水可以樂飢仍洗耳石田境埆不敢荒時耕帶月歸
帶霜田中不了麴蘖事蟬腹且追張子房

五月二日同叔問過彌陀閣觀山中飛瀑

飛泉落青冥掩冉振森木驚雷殷厚地噴薄轉空谷

崩湍爭喧逐漱此千丈玉洵如秦軍破勢比不周觸
初疑三峽移無乃九井感雲中阿蘭若峻嶺鎖重麓
悽寒絕人境共此媚幽獨長飢不難忍洗耳謝羈束
君方應時須我已甘脫粟正恐山不深從今友麋鹿

戲題錢守宋漢傑泉巖古刹

和韻
戊申

廣文斗酒邀同襟曾中高衡鬱千尋醉來盤礴吐幽
怪慘澹崖谷森相臨向來三絕信珠壁肯用抵鵲荆
山岑詩中有畫畫中句兩峯高並藍田陰祗應摩詰
可方駕老向海角嗟英沉何人左手作右字題此古
刹藏煙林不知眼力尚能爾疊嶂龍從窮幽深使君

家世舊湖海戲假尺素資謳吟更登日觀望八極中

有山水無窮音

古詩山水
有清音

某前日謁見國史侍讀尚書獲欵燕談蒙
出示周楊子書報許葺山中得巖壑之勝
過冷泉亭者歎想不已俾某賦詩退成七
言古句一首上呈軾

素王之宮行祕府斷取瀛洲納環堵諸儒何必四庫
書正自曾中有千古野人上車纔不落索米無庸面
如鼓歸來仰屋坐太息咄咄書空欲誰語石林居士
吟龍坂憂國形臞心獨苦向來豈止見夷吾叩閣何

由避寒暑伯仁三日應可尔頓解新亭對懷楚坐中
人傳雙尺素思洛橋南雪溪渚山回壤接二百里許
藏幽竒天所與人間那得此巖壑坐想周郎喜而舞
蒼崖壁立欲千仞蔽日青林自風雨信知靈境不待
匠古澗穿巖巧吞吐慙慙留此萬里流更覺山川生
媚嫵了觀澄湛本非住却覓喧逐無處所手誅陰木
結茅屋掀挾高深期盡取四山擢翠若無地三石撐
空裊相柱書詞豈夸驚我甚下視呼猿觸天姥卞峯
勝絕固自足莫爲東山思解組龍驤雲起要侯王鶴
唳風聲走夷虜會令藿食保安眠北固山南事幽圃

三館寓局夫子廟之西
廡故有素王之宮之句

山居

勝林堂

超然出稠林無二無分別若問勝林堂清風滿庭樾
妙高堂

君知妙高堂何異妙峯境向來妙高人宛在妙峯頂
常寂光庵

云何常寂光徧在一切處元本住庵人無來亦無去

無垢池

滂然集清冷無厭亦無受故此巖下池予名曰無垢

普潤池亦無受姑
壘翠繞幽谷清池鍾百泉安知一壑雲利澤浸無邊
妙湛池

寂照堂
妙華出於泥定水湛然滿上有清涼峯森蒼映清淺

定林
古鏡懸太虛摩尼珠五色紛然百草頭寂照照常寂

盤谷
定林在何許窈窕鍾山麓得非夸娥民遺我障巖谷

谷口堂
重重翠聯錦一掩一回互三徑踏煙霞披榛自來去

雲巢
子真巖石耕名稱動都邑不比北山翁銷聲寄禪寂

覓秀泉
朝見雲飛簷暮見雲生礎客至覓雲巢雲深在何許

繡谷亭
千山秀回環靈液走巖竇清甘佇方空可嚙不可漱

繡雲磴
西山屬黃岡相錯宛如繡倚杖立幽亭歸鴻沒煙岫

陰陰韜雲徑步步雲生足巾裾撲空翠逶迤向山麓

清音澗
潺湲清音澗便是偃溪水長笑箕顛人區區洗吾耳

虛緣靜

萬緣正繁興當處即解脫當知本來空不受汝摩撮

崇蘭塢

猗蘭轉光風幽芳被山谷悵望斷金人同心不同躅

梅谷

穠華敢爭先獨立傲冰雪故當首群芳香色兩奇絕

三休臺

三徑屬桃煙遙遙想寧極終當珮飛霞頡頏向空碧

達觀臺

蒼陰冪杉松延緣出幽谷豁然天地開八極啟遠目

通幽徑

躋攀通幽徑鬱密森松竹雲雪正埋山深林閱寒綠

漆林

敬侯那易學正自追農圃平生老瓦盆安用雕髹許

竹嶺

嘉名追輞川未辦茱萸酒勿使斤斧侵煙梢拂雲漢

慧照峯

暘光出扶桑照耀四天下慧日破無明蒙光失長夜

卷我古澗西萬木集歸鳥炎炎日流金為君除熱惱

德雲庵

德雲老比丘經行衆山頂普光明法門觸目無二境

法乳泉

山腰發靈滋甘美勝牛乳應持供茶神御勿汗身煮

菊泉

一泓貯清泉百本菊佳菊長年汲芳甘霜鬢儻重綠

翠軒

開軒面杉竹冷翠搖清空披衣水邊石長夏來薰風

歙溪硯

令族子製研於歙溪得米元章所謂鳳池樣者代作

詩云

硯鳳池石龍尾金其聲玉其理文字之祥助公喜助
公喜為公壽籟雲衢兮龍為友儀簫韶兮鳴鳳味金
玉相兮椒蘭臭老復丁兮吳還畫壽而臧兮世無有
生弥長兮視弥久見太平兮休戰鬪泳學海兮恢文
囿俯松喬兮齒蒼籀翰林客卿管城偶揮毫振藻常
無咎

春日與汪彥章藻趙叔問相約遊樟林閣

樟林閣蓋郡豪家舍背城郊墟無與比者
因詠靖節感彼栢下人安得不爲歡之句

偶書五言呈同遊二公

人生歸有盡大齊不踰百君看花閒冢背郭高歷歷
向來夸奪志汗漫何窮極一朝隨露電變滅無餘迹
所以靖節翁壺觴樂晨夕寧爲鬱澗松不作移根栢
豈唯一窮通固自忘夷跖吾生亦崎嶇末路苦荆棘
投閑得蕭散身病頭更白豈無素心人相與弄泉石
及晨爲茲遊聊用適吾適溪山景無盡秀色光照席
安能仰屋歎抱恨長戚戚

晨起梳頭髮白且稀有感

余髮已種種我懷亦依依風林無安巢寒日無餘輝
束髮隨官牒前言服良規豈唯會計當自詭牛羊肥
妄獻北闕書野芹安足希一挂邪士籍徒嗟寸誠微
惓惓剛畝志正作禍患機羈危不如人行行向知非
世變不可料胡塵暗王畿真人起白水帝命式九圍
誤沐宣室召白頭侍經幃誰言螢爝光敢近白日暉
誰言草木萌敢試雷霆威野馬立仗下軒昂妄鳴嘶
弃之老牛阜無復瞻龍墀天子無私與奪適所宜
時方急功名選悞安所施士方貴才辯安用鈍訥爲

常人與善士何異於愚癡譬之採焚溺珮玉行逶迤
弃捐乃其理刺天看群飛幸非高明室百鬼浪見闕
自從伏堪巖風淫得偏痺有足不得行有手不得持
每思林野娛濟勝憂無期堆豨不得往如驥繫且鞮
如盲不忘視如寒不忘衣如痿不忘起如羈不忘歸
但願老窮健長甘北山薇豈復理鬚鬢峩冠待晨曦
叔問縱步郊野得竹栽二小叢携以見分
叢筠無尺長氣與西山爽聊持內方丈便作淇渭想
會當冰雪餘傑立千林上自非歲寒人誰與共幽賞
觀白公蘭若寓居詩如寫余懷但不能晨

游夜息如彼自由耳輒用韻作

生非廊廟姿雅志在林野擬作奢摩他疾至薩芸若
身心爲山牛得失塞翁馬城南寄僧坊一室謝掃灑
當時醉吟翁高謝香山下安知衰病夫亦有如翁者
比者彥文少卿一再枉過且有卜隣之約
投老山林深尉孤陋茲者誤蒙召旨固已
向之而具述多病不才乞侍祠宮觀矣辱况佳篇

佩戢厚意謹次韻奉酬

衰遲澹無營百念已灰冷時吟藥珠句聊復寄二景
平生坐五窮相逐如形影華顛行路難雅志不一逞

逝言北山北耕釣得重整結廬甚幽深不覺在人境
區公飽叢林高視妙峯頂時迂百里駕清坐舉春茗
相期老堪巖守望依同井久知無朋酒出沒均酪酏
向來醒而狂投老狂方醒如何紫泥書名姓蒙記省
控辭苦陳情抱病當自屏肯令曉猿驚滓辱及崖嶺
新詩比移文三復得深領

和蔣尚書園第新亭二首

千尋屹冰臺一室穿甕牖傷生定難遵極侈固無取
茲亭挹空翠勢出巨靈手縱目雲夢區時來賦烏有

空翠

亭

群山對西丘突兀幾千歲超然宇宙間安用乘雲氣
松筠非小草出處皆遠志他年姚尚書拍畫要十事

柱笏

亭

以夜宿匠舍詩示晁以道說之乃以古句
爲謝次韻酬之一首

平生拙自理不辦一畝宮聊從斲輪扁敢慕執戟雄
慙非五鳳手正着雙鳧中何言散騎省難下青藜翁
相望一牛吼有客方固窮牀頭河洛書瑩光吐長虹
時時發佳句執若萬折東我詩出龜腸寒蟻抱霜叢
誰當寫秋思妙器無號鍾相從無何境曳履哦清風

逝言北山北耕釣得重整結廬甚幽深不覺在人境
眞公飽叢林高視妙峯頂時迂百里駕清坐舉春茗
相期老堪巖守望依同井久知無朋酒出沒均醑酊
向來醒而狂投老狂方醒如何紫泥書名姓蒙記省
控辭苦陳情抱病當自屏肯今曉猿驚滓辱及崖嶺
新詩比移文三復得深領

和蔣尚書園第新亭二首

千尋屹冰臺一室穿甕牖傷生定難遵極侈固無取
茲亭挹空翠勢出巨靈手縱目雲夢區時來賦烏有

空翠
亭

群山對西丘突兀幾千歲超然宇宙間安用乘雲氣
松筠非小草出處皆遠志他年姚尚書拍畫要十事

柱笏
亭

以夜宿匠舍詩示晁以道說之乃以古句
爲謝次韻酬之一首

平生拙自理不辦一畝宮聊從斲輪扁敢慕執戟雄
慙非五鳳手正着雙鳧中何言散騎省難下青藜翁
相望一牛吼有客方固窮牀頭河洛書瑩光吐長虹
時時發佳句執若萬折東我詩出龜腸寒蟻抱霜叢
誰當寫秋思妙器無號鍾相從無何境曳履哦清風

來詩有潘盧之句
故云何言散騎省

北山小集卷第六

信安程俱

北山小集卷第七

信安程

俱

古詩七

借葉內翰畫令小江模寫

十年問舍今華顛
印山滿眼囊無錢
每看圖畫輒心醉
自笑說食流飢涎
世間范李真幻士
斷取妙喜移山川
朝來問疾方丈室
但恠衡霍羅窓軒
飄風急雨暗四澤
轉看錦翠開雲煙
崔嵬磊砢凍相倚
恍然雪塞藍田關
是申大有結茅地
指點三徑依林泉
世人無乃笑癡絕
心境二妄交相纏
安知三萬師子座

此幻為無中邊衢山小江新悟幻落筆欲追祈與虔
願從公借此妙景已具東絹和丹鈔照中寫照供幻
觀聊用自尉銷窮年千巖萬壑納環堵更令一拂松

風絃

宗少文好山水凡所游履皆圖之室中自云每鼓絃動操欲令衆山皆嚮小江又善琴云

自仲嘉云亡未始見夢舟行夜入吳興境
有夢如平生感而賦詩四首

江子隘斯世翛然向方蓬一朝成千古寤寐不復通
夜入雪溪境胡然見幽夢高標何所似俯仰風中松
笑談如平生炯炯雙方瞳去年經行地陳迹亦已空
故應玄真老相與游無窮

諸人久不死而使武子先斯言太癡絕愛惡無乃偏
君看雅正情播在三百篇秦人哀三良百身寧可捐
相鼠有深刺嗟哉胡不遄此豈惑者歟加膝墜諸淵
乃知孫楚狂未必非公言

世以勢論士君誠不如人揚揚乘軒者志滿氣甚振
外見七尺軀中有萬斛塵鑿杓固難入鸚鵡豈相倫
炙手苟可執行路為雷陳高棲冷如鐵骨肉不得親
誰能獨無死榮辱久乃真

皇天非無知伯道固有後百年能復幾僅比一昏晝
久知彭錢天不及殤子壽向來簞瓢生廟食至今侑

東陵雖飽死千載有餘臭鼻鼻蕃得剗腸者折謾遺戲
試當問玄夫此理或可究

初到書局以萬七千錢得一老馬盲右目
戲作古句自嘲一首

蹄間三尋汗流赭九達雷電爭飛灑我窮那得騁追
風正擬虺躩行果下平生畏塗飽經歷夜半臨深無
馭者故應造物巧相戲却比盲人騎瞎馬李南知音
當促步廣漢騰嘲不相假執鞭良稱塞翁兒並轡聊
從杜陵夏厖然病顙豈其類老矣問途那可捨徑煩
一夫事刷秣似桂新芻不盈把向來伯厚亦安在結

駟雞棲同土苴他年東去把撩風縱爾逍遙汴東野
神霄宮知宮陳應常邀鄉人集道堂余不
果徃毛彥時有詩諸公皆和見率同作次

韻一首

南枝月明烏鵲飛北風驚沙燕馬嘶倦遊乃有故鄉
念強學處士聽朝鷄馬蹄得得烏帽底與日競走東
還西安知神府在人境曉霧十里飛香猊咄嗟似與
化人遇宮殿盤鬱窮煙霏瑛房藻篋浩無極當關九
虎何由闕仙郎邀客自清旦闐若岫戶臨江湄向來
同是爛柯客石梁跨野長虹垂登晨未辨七明蓋祈

年欲採三華遂授書忽作藥珠吏雲篆豈特傳盟威
故人一笑共清景常談曲謹比甘艾夷而余煮餅北窓
卧正坐世網纏綿之棗瓜麟脯不同舉但見綵筆方
交馳蕭然俯仰在環堵窮巷偈仄仍喧卑高堂脩竹
寄遐想况身雪乳調清絲徑須暇日一尋勝眼中塵
袂空成帷

以蔣永仲畫雙松為故人壽

青松千歲姿擢質萬仞岡霜根初茁秀氣已凌千章
去天尺五地雨露先衆芳晨光為膏沐鬣鬣傾扶桑
故應神物護茂葉成深蒼爾來向三紀已作擎雲驥
豈唯蔽牛馬固已中棟梁上有叅天枝下有延年肪
蒼蔭被草木皆為芝木香衆鳥不敢巢或來孤鳳凰
會當回萬牛一柱來明堂却顧冰澗底歲寒永相望
詩送趙承之祕監鼎臣安撫鄧州三首

平生竹隱翁曾次着千古揮毫劇翻瀾碑版照秦楚
十年屈僚佐留使望天府今年道山巔士論乃深許
歌詞薦清廟盛典更藻斧忽持南陽節聲動漢江浦
清班寄麟臺雄職暫符虎遙知佳政傳召杜安足數
往者南陽耕相望鹿門翁時來拜牀下雞黍相與同
安知田舍中鵬鳳友伏龍我疑兩州閒地美物亦豐

故應釣遊處清泉蔭高松
英何代無儻有前賢風
身旌恐難致羔鴈或可通
潭潭內史府侃侃東西錄
當年得二士衆視驚刮目
何殊致洪造初不羨博育
林侯忽東歸懷寶媚幽獨
趙侯小騰鶩文采冠群玉
要之進退間了不異蘭菊
因公懷若人皎皎歎空谷

和酬梅悅之大夫澤送行古句

讀書何如事耕種
腐頭童得飢凍
半生塌翼墮江湖
仰視群飛困嘲弄
閉門誦說不知悔
時以聖賢資折中
飢來驅我向京華
爲米折胷隨所用
一官此固

初不惡浪以討論
辭冗從梅公據鞍
殊矍鑠滿腹精神
比錢鳳新詩借我
快筆端省向江南
賦雲夢向來高門
迹衡陋杖屨時來
窺牖甕今公三徑
爲誰開顧我五窮
那易送會當投檄
復言歸時訪祇園
談不共

大夫文時游僧舍久欲奉陪未果也十八不共法是佛經

和同舍十葉緋桃

飛花動江光風力兩相怯
扁舟老參謀覓句時拄頰
連昌出墻枝晞日香汗浥
深宮夾脩篁歲久森翠葉
至今丹青妙華宇張九疊
誰移此繁英密蔭如栽接
都城有花陰因依肖螺贏
變幻胥蝴蝶忽如剪緋帔
又似翻

錦篋殷唇注猩血細蕊輕蚊睫爭春雖云晚闢麗固
當捷冰實儻可分仙梯不難躡賡詩僧怪煩我意終
未愜

同舍以筆墨更相遺有詩見邀同作

將軍白首玄池陰手持毛錐如綠沉千人獨掃杜陵
老百牯欲連東海任中山豪族一當百即墨堅壘高
臨深孫郎精騎故無疋長卿偏師那可侵父知良工
須利器豈但善賈緣多金故追老兔盡三窟已倒霜
松踰十尋於菟猶存鳳閣卧黃鹿不博鴛池臨清觀
越石已成冢始信管城真盡心客卿摩頂利天下脩
竹欲汗南山林儒生意廣亦自苦但有遺迹藏來今
兩公筆陳略相抗往往鉞井張旗參鋪揚功伐借二
物寸木可使齊高岑嗟余絕學父焚弃嘿守三一朝
飛森

松鶴圖

崑崙五城十二樓洪河空注經神州西連仙掌五萬
里一柱上直清都浮琳琅琪碧乃凡草青華絳寶森
纍膠南辰真人厭嫵媚下勅保命更冥搜元精結感
浹地軸奮此倚天蒼鬣虬燭龍晞露吐珠琲青女歛
鬢回春秋上有飛晨煥景之卿雲下有金精石髓之

清流盤根竦節輪囷天嶠屹不動聲撼倒景雨沛參
雲油晬然和氣發柯葉俯芘芝木齊薰蕕當年箕頽
眇霍闕戶牖森翠蒼陰稠挺生初不待封植天遣異
質榮仙洲居然神蔡產千歲不但明堂來萬牛台符
兩兩直其上芳膏美蔭被九丘紫清騏驥下擇木展
翮還自青田幽豈無映林光夜供俛啄會有玉沙丹
露飲此絳恰元霜裘巢雲友鳳乃其所昂昂肯爲鷄
群謀神霄之境接華蓋永作帝瑞同天遊

晁無斃將之錄示近詩有和其兄以道說
之詩次韻以致區區兼簡以道

往登妙高臺千嶂如聚墨煌煌化人宮屹立斷鰲足
題輿亦不惡嘯詠此浮玉粃糠空在前不謂公肯辱
竟乖南州望聊作信都福吹竽定誰真抱璞安忍哭
高情禦外物不計處與出端如屋間雷障以千步築
我窮居城南甕牖藩援禿華裾每來過煖語加帛粟
洋洋填箎音珍重同結綠吟毫久不濡辱贈不敢獨
所慙春蠶股持抗不周觸余初除潤倅會召入書局無斃繼除潤倅
改冀倅故有粃糠在前聊作信都福之句
談詩如談禪練性如練墨以道深於名
理頗喜造墨壯心悟龜
毛少去作豈蛇足平生甚元龍未信今伯玉十年得
投閑高卧謝寵辱定知負勝富固自平爲福著書者

名山曾使山鬼哭結廬近三休為米時一出猶嫌佛
場選肯問燕臺築俗人難與言鏡鬚遺首秃前年客
長安正覓三金粟塵中一傾蓋爽氣岷峨綠別來更
崎嶇寡陋嗟我獨塵埃篋中書有手不暇觸

復次韻酬葉翰林見寄

渭川十頃青上谷千竈墨縣河供拂石濡筆應未足
公初入承明神采映冰玉孤芳信難羣廉士故可辱
虛懷得逢蒙泛愛近籍福終然程公題正隋楊朱哭
于今十年後猶作一麾出何當還宣溫不用求釣築
遙知西湖柳蔽芾誰敢秃應餘金石文會使天雨粟
留連借三輔夏木今再綠斯文詠公歸悵望非我獨
羈懷老無堪覽卷百憂觸

次韻寄謝公表韓公朝請

世人如魴魚自蔽翻吐墨猩猩熊亦何罪不衛唇與足
要當時木鴈安問定石玉向來休休翁老去稱耐辱
迹高名自汙卒享清淨福肯為接輿生叩木妄歌哭
韓公早聞道垢濁久已出終成九層臺不棄一簣築
長安列戟第桐影將缺秃寧辭治中輿且食祠官粟
曾中荆棘盡華髮當更綠抗塵我何庸勇退公所獨
何如善刀藏聊放虛舟觸

同次韻寄謝存之曾公學士

往居闔廬城有客面如墨論文口瀾翻嗜學苦不足
時稱曾校書秀句示珠玉今晨塵眼開來贈忽先辱
風騷窮乃工投閑詎非福言音關感動妙比韓娥哭
此道久荒蕪名家亦時出五言古長城屹若萬夫築
何如丹鳳樓樸斲千嶂秃雖然皆戲劇渺甚一毛粟
付之兩忘情蘭蕙等茨綠聞公會西游顧我陋而獨
掃齋待清談奮麈或相觸

和葉翰林送李從事

賞音真兩難邂逅多契闊一朝潮間容刀三歲歌采

葛古人抱脩能初不露錐末誠令處囊中談笑堪式
遏豈無識玉人顧恐鑠金奪遂令緇衣好斂迹裁自
脫畫地杯已疏志鵠弓遽撥徒嗟湖海上髮白牙齒
豁懷公劇梅林念至失焦渴臨風賦新謠憂思不
可掇

次韻和穎昌葉翰林

七首汎舟溟水目病廢讀書生第三兒月飲杏花下

同許學士元宗幹譽汎舟溟水

高崖下甘澤膚寸即有餘瀛波納牛跡無復鱣鯨居
翰林補天手妙語追三閭聊從潁川借似馱承明廬
坐令嘯諾地不異畏壘墟斯人樂佳政欣若飽稻魚

恢恢雲夢曾中有幾石渠時來溪水旁教倪萬物初
嗟我寸蓬登公五言城時窺錦囊句似發黃鍾聲
閉門得長哦有酒或細傾誰云千里隔回薄萬古情
駕言從公遊上馬短策橫塵纓縛我急有足安得行
何當來上都既見心始平爲公賦三秋寤歎空營營
往者巾柴車追游卞山村今焉鎮三輔鼓吹喧譙門
遙知手種松浸有蒼苔痕許下今樂郊勝事亦復繁
但令足兵食飽煖同君恩長安舉頭見煌煌太微垣
江湖與魏闕一一寄默存正恐受釐室虛懷待微言
許侯蓋靜者無乃祖遠游着身朝市間淡若無所求
命駕眇千里西湖正涼秋是中有真趣軒裳何悠悠
溪水清且姝仙舟度深幽徐行問疾苦懷新想平疇
坐念方外樂嚵涎麴車流持觴會相屬我唱公當酬

目病廢讀書

空華信無根遺迹故非足如公三萬卷硯磊貯心曲
中虛自昭曠不必巖電自納芥本無難膠弦端可續
玉書共推張斷簡當問東笑談針左青指顧命騷僕
豈知窮巷士眼暗髮將禿短檠黈無光默坐守幽獨
正當黜聰明豈復分句讀便便了無庸但有孝先腹

生兒如班伯絕業出金華
惱人如添丁索抱聲啞啞
人生各有分豪末不可加
丹山無凡穀寒根無早芽
如公翔千仞衆鳥不敢譁
將雛一來儀美瑞世所夸
嗟我困冰谷霜枝鬱盤擎
華顛有二女尔尔聊自佳
今年熊羆夢亦復來貧家
平生坐著書每笑括與奢
籃輿一幅巾緩步可當車
儻學長史掾修真凌景霞

真誥散景霞以飛軒

同許幹譽步月飲杏花下

公不見錦衣白壁誰家郎
春風得意尋春忙紅雲步
障三十里一色繁艷無餘香
又不見玉川穠李正清

絕夜携仙客通寥陽連天
剪刻萬株雪縞裊練恍看
明粧古來勝賞不易得况
乃花下延舒光毫端頓挫
役萬物如彼棗葉持鍼芒
昔人曲水詠觴處茂林修
竹空宮牆蘭亭今為佛宮騁懷吊古
賴何物麴生風味安可
忘自憐春色不到眼歸卧
北窓書滿牀

故人張達明激餉舒木將以古句次韻酬之

憶官古龍舒妙境開禹甸
漱流探九井曳屐窮四面
山借居龍谿上窓戶列巖巘
客懷劇焚絲撩亂不可
剪時時出登臨款段勝屈
產如持古神槌破此牢愁
鍵地靈多草木灌蔓森秀
輭嘗聞左宮仙蕊笑發珍

琢擣辭叙山精豐綺信無愧幾尋青冥斲時作芙蓉
塞雲琅未云剖月醴忽以泣回觀豨苓輩市積空嶮
嶮至今阿連功焜耀華陽典寧當柙而藏正恐知者
鮮豈同西河方但取一笑莞力驅三彭仇况比萬金
腆芳腴散靈柔坐使百痾遣故人山中來雅素過河
點應知藜苳腹豈復禁平茗盃輕翔不可獨分送勤
折簡新詩出強韻趣步不容挽微吟復小啜氣味清
而婉何須養生論藥石問中散

雪中與禮部同舍過葆真宮

朝來青霞城洶涌爛銀闕悠然眄天宇晶瑩欲冰徹

虛空無表裏白照混日月九區絕纖塵爽氣爭粟冽
初疑騫林境琢玉憺飛屑人間出靈苗頃刻皆秀發
不知皇季氏羽衛森幢節剛風振長空襟珮劇飄瞥
真僊足按地險穢盡平潔坐令三千界一洗聲利熱
偉哉此遐觀曳屐到濛越池臺靜相照頊洞失坳坵
仰窺輿坤大未信東南缺要須風露腹始稱此清絕
安得垂天鵬一跨眇空闊

濛翳越衡
乃諸天名

虎園

山深草長鬱鬱岫峯俯仰蕭森蔽虛百於菟一嘯谷風
生舉頭爲城墻爲戟藜蒿不采中梁柱雉兔

蕃息它山豈無三萬仞跛狎直上無難絕朝游芻牧
行葦盡暮投斤斧千林赤乃知鳥獸有折衝不獨鷲
翰空索百何人寫此出林態巖電耿耿氣深寂書堂
高挂走螭魅不怒而威如有德流傳影象一如此大
勝留皮配圭璧古來真虎不易逢僕姑誤沒南山石

春日與會要同舍會飲西園

今我忽不樂駕言及陽春西郊桃始華未動車馬塵
名園開綠野氣象淑且新相從同舍郎珠壁礪市人
垂鞭度長楊和風拂衣巾時花靚無言草木含晴薰
迢迢西莊鏡似與江南鄰漾舟入天境不辨水與雲
誰移呼猿澗亂石瑣怪珍奔雷轉三峽可漱不可渾
止水照我心流泉醒我神終年九衢客一洗聲利氛
歸來卧蝸舍夢墮吳松濱

和滕子濟考古圖

我生百無味忘懷欲捐書脩然謝糟粕教倪萬物初
平生蠹魚間習氣未盡祛朝來覽見千古似歷仙公壺
權輿自四目雨粟號靈魘天球周序陳科斗魯壁餘
切玉有至理范金足良模彭身屹漢鼎璀璨羅商瑚
初疑鳥遺跡忽若龜負圖典刑尚可見聊用舉一隅
翻思揚子雲語默與道俱豈無載酒人相對時軒渠

奇字决魚魯微言折甄舒譬彼學耕稼當從老長沮
滕侯飽今古稟秀連青徐三年攷聚訟坐判墨與儒
入眼爛珩玦搜奇到黃虞端令宇宙中俯仰縱所如
我欲發其祕聯詩慙貫珠何殊穰田祝豚蹄操酒盃
和蔡待制放蟬一首

放歌北亭漁

見盧仝觀孟
諫議放魚詩

千古有生氣當時及物心豈

在坳堂內如公有遠度寄此枝上嗜定知膚寸雲四
海不難至應憐風露腹不受塵土蔽寧嫌壤中丸聊
復一引臂初如飛鳥揚下逐游鱗戲終然跼清波振
翼出荷芰斯須曳餘響决起均天陰遂臨風贈良規毋
以利昏智禽魚逐甘香鼎俎芼薑桂請觀垂天鵬織
繳安可冀

龍尾硯同毛彥時隨聯句

歛水清以駛歛山文且堅程誰持玉斧琢製此月樣
圓想當結繩後要使鳥跡傳雕鏤見骨格豈與瓦礫

全毛坡陀百氏圍泓澄九經淵墨海不復見柯崑那

可肩星稀涵緯象眉綠生春妍程規模異鎔鐵濡寫

殊懷鈔正當秋兔穎發此霜松煙毛一從毛褚遊幾

作蟲魚箋徵辭想妃子搵首懷張顛寧同李生空聊

續胡公集程常疑老蚌殼浸潤成膏妍毛堅踰

鑄質謝銅臺挺紛紛况多爲渴雀同扼鞭程琳物隱
多水十手寄所宣池光瀲墨色雲氣開毫聯翔鸞及
垂露逸勢徒飛騫毛誰云過珪璧或用磨戈鋌吾今
欲林火棄負耒歸園田程

泛舟鑑湖同趙來叔子泰趙叔問聯句

春風卷三江雨電暗秦望今晨風日佳遠目聊一放
致人情暫愉悅天宇亦清曠逝將一葉舟遠破萬里
浪叔問澄波撥寒醅疊巘展新障致飄搖過餘芳容
與矚孤漾叔問停雲冒山巔新綠浮天上枯楊吐輕黃
歌岸抹晴漲遠水沒輕鷗羈禽變圓吭鑑湖清可啜

戢菜柔堪餉叔來時當被袂及路指蘭亭嚮豈無謫仙盃
聊舉剡谿榜叔來吟牋灑餘研茶竈發新湯徜徉寫幽
憂蕭爽絕纖埃年華自繁穠世故足悽愴致吊古意
雖遐感時心自亮叔來雄濤折東南舊牒分霸王梅梁
寄遺靈禹迹疑可訪星分九土毛帶挽百川浚胼胝
識神姦玉帛來崛強規模至今存形勢亦云壯致膽
嘗信焦思金範徒審象當年浣沙人絳纓起窮巷姑
胥失層臺榛棘遶青嶂彼姝者誰子婉孌固難忘撫
事即元龜終古可懲創叔來永懷文靖公造厦得良匠
平生滄海志願豈矜岫愧笑談遺諸兒百萬皆騰英

晚節終自完流言一何妄安知彼天游中有無盡藏

致觸目發長謠懷人獨惆悵來入木想八分登山知

幾兩風流四明客投老志蓬閭玄熊殊夢閒鳴鶴北

狂尚慙勤覽陳迹忼慨有餘快致雲雷正經綸兵甲

相磨蕩虎貌驅七萃鴛鶴張兩廣帥維丞相度餉倚

晉公滉足食佇流錢宣恩同挾纊顧慙已么麼安處

官冗長短拙竟何裨恩私誠謬降猶能樂間適深恐

遭譴讓問故應方虎閒不之廉蘭將祕計走闕氏奇

功收跳盪無煩秦庭哭坐使楚軍張何當濯龍津歸

擁雲臺仗官儀見炎靈王氣盖芒碭專車戮防風掩

骼收魯項道致祿山終自林火僕固胡能誑來雍容兩宮

還娛樂天下養弁會肅鳥越花深度雞唱問馬牛縱

山林弓矢戢橐鞬道致錢鏐待豐盈壺單更勞廷周室

已再安漢業欣重朔來返予綿上耕酌我兵厨釀道致

昂昂妙高叟辭藻舍人樣方為東山起朝論深倚仗

金昆固神秀獨立起輩行深嚴職右府折中歸至當

伊予最畸孤艱阨隨所傍幾驚虎尾履分委魚腹葬

偶然還一處已幸神所相矧復陪清游快飲吸長江

深慙抗塵容豈敢窺雅量文衡久已持宗盟從此

元駮驥政騰驤駑駘徒頽頽雄筆掃軍榮光高萬

文清朝尊陛廉群枉室戶向偉節素推高嘉言行更
謹定應謝逋客終莫寬俗狀常負固吾道共約我歸
鞅來中興百六掾麟趾豈神况便便飽經史婉畫正
所仰勤劬照藜青豪俊唾帳絳如何艱危中骭麟容
跌宕軒裳欲吹壅文字堪覆醬數竒豈無雙妄發坐
少憊逍遙漆園莊澹泊竹林向重來縛塵纓夜鶴空
蕙帳會蒙子雲嘲未免王戎湯邀翻思京國游幾作
榆枋搶無聊每過君據豁資直諒朝野時歡娛金石
日擊撞月遷惟佞幸朝奏坐誣謗寢薪積憂思把酒
亦愴恨斯須失和平占候奏天棊狂瀾翻四冥覆蕘

安得抗顛冥今幾年失喜問無恙叔豈期愕鯨波復

此言輕颺叔談追正始音句屬郢中唱道融金無留

礦探珠蘄老蚌叔更須月團團迨此春盎盎還推乃玉

色醪共理黃篋舫道致清文韻韶濩雅好羅觚鬯振衣

躡崇山一濯惠風暢叔

會要官集西池同舍翁挺作詩次其韻

瓊犯涌空碧魚龍濯晴波游人與春競奈此西日何

緬懷散花洲青笠委綠蓑當年漁樵侶問我何時過

依然五湖境亂眼煙雲多恍疑三壺夢欲繼七字哦

恨無石心鬼慨懷叩舷歌時英滿四座自許皆隋和

北山集
翁子獨不語詩源瀉懸河不作杜陵老眼寒鷲綺羅
道山堂後小桃著花頗有幽態

春陽入花骨踈葉皆昌豐蓬山足松檜不作倚市容
小桃三四花擢秀冰雪中頰顏澹無言綽有林下風
無人對清賞似笑華髮翁老來懶尋芳掛杖無青銅
不知春色深但怪風日融頗聞西郊路欲作朝霞烘
何須逐流水有馬如游龍騎驢哦新句醒醉同一空
當年元都觀葵麥棲殘紅却顧此幽絕蕭然對繁穠

北山小集卷第七

信安程 俱

北山小集卷第八

古詩八

分題得舡子和尚一首

同宗正江少卿緯彦文周比部武仲憲之趙編

修子畫叔問

洪波鼓溟壑浩浩包神姦安知五濁海平地即九淵
此老獨安住蕭然五湖天勿言一葉舟中有宇宙寬
我昔初吏隱掌中視包山垂絲月明夜獨立無往還
當年夾山人付此八尺竿安知翻瀾口終日本無言
避寇村舍戲踏把顛什

北山集八
試踏百齒杷恍如乘風航翫覩不自持尋丈得什儻
牛鷲更疾走天全偶無傷代斲既創手學製安可嘗
田翁一笑粲何日千斯倉

漸寒補治籬壁防盜戲書

元龍湖海士豪氣老不除龐公解脫人法界一蘧廬
寶藏且不顧家資何足儲一朝四壁空聊與妻孥居
今我貧病老視身猶贅餘室中亦何有但有數篋書
飢寒士之常肯歎食無魚一官有微祿二頃亦可鉏
騰騰苟任運水到自成渠

叔問觀韋蘇州詩至蕭條竹林院風雨叢

蘭折幽鳥林上啼青苔人迹絕燕居日已
久夏木紛成結几閣積群書時來北窓閱
以爲適與景會寫以寄余因用韻書懷云
憂時鬢成絲念遠心欲折年芳豈不好花下輒愁絕
衰顏有時丹病指不能結來往但鄰翁竒書每同閱
傷前輩諸賢無存者復用前韻

蒼莪玉山頽磊砢霜松折群同冀北空絃爲鍾期絕
鞭從晏嬰執襪慕王生結往躅那可追我躬方不閱
自寬吟戲効白樂天體

武陵適九年下惠仕三已或窘如拘囚或了無溫喜

吾生憂患餘年忽及耆拍偏癱未全安抱病更五稷
進爲心已灰棄置甘如齋坐狂合投閑佚老宜知止
向令身安健不過如是耳每思古窮人我幸亦多矣
照隣嬰惡疾羈卧空山裏纏綿音不堪抱恨赴潁水
文昌兩目盲無復見天地簡編旣長辭游覽永無冀
吾今雖抱病蹇曳非頓委時時扶杖行積步可數里
菽之卧床席欲坐不能起雖扶不能行懸絕安可比
時從親故談亦不廢書史右臂故依然運筆亦持已
籃輿時出遊初不廢牢體况無他證候色脉苦無異
詳觀動息間儻有全安理侍祠了無庸竊祿愧索米
借居浮屠宮非村亦非市廷堂甚爽塏高屋敞窓几
郊林接溪水眼界頗清美嘗聞天地閒禍福更伏倚
藉令衰蹇身終老只如此何須苦嗟咨未必非受祉
形如支離䟽飽食逸終世目盲如宋人全生免佞使
平生嘆遠遊今我在桑梓田園接家山區處及耘耔
平生困鞅掌今我恬無事寢興縱所如出處不違已
病來益尊生對境空相似永無貪欲過稍習衛生百
不爲六賊牽豈受三彭毀人言病壓身徃徃延壽紀
大鈞默乘除萬一理如是安全固自佳蹇廢亦可尔
死生猶寤寐况此一支體細思安否閒相去亦無幾

如何不釋然萬事付疑始

次韻和叔問古風送曾吉甫提刑

夢覺紙窗白幽禽語匆匆傳呼動林野楚歌已三終

漢太守刺史所至歌者望見車嗷兆楚歌今傳呼類此

故人忽在眼四牡來城東閉門

雀可羅繞舍森蒿蓬如何不我遺臭味固所同昔別

全盛日華戎文軌通豈意喪亂後晤言復相從知君

飽新得敬御名過南容蕭然氣深穩隱如柙藏鋒向來

夸奪境變滅毗嵐風訪舊半鬼錄榮衰等虛空顧我

老且病齒搖頭欲童念子方穎脫如錐出囊中會如

金僕姑犀兕貫七重光華得膚使周咨廣堯聰黠虜

將革面天方誘其衷皇明並日月塵霧不得蒙端歸

侍幃幄海嶽增深崇儻因東飛翼一訪白髮翁時哉

不可失決去如鷲鴻

贈別吳忱宣德并序

余客都城邂逅河南吳誠伯偕寓興國僧舍其為大

樂善嗜學練熟世故徙居蘄春適再世耳而蘄春人

至都下者無賢不肖必來問訊其廬所傾下徃徃知

名士故舊有以急告隨所厚薄賙之誠伯自言尉光

山時捕得強盜十許人賞應第一等獄具部送府盜

親戚望哭道旁或扶老携幼號戀不忍聞誠伯顧盜

非素猾賊爲人害者一旦迫飢寒適爲盜乃陷重辟
耳因以盜還送縣稍緩其獄久之皆得不死賞固不
論也凡此過世俗遠甚今茲同寓僧舍者在數十人
乃獨見親厚此又何也余調官東歸誠伯從余索詩
爲別匆匆不暇還家作此寄之

吳公河南守薦士得賈生偉茲天下士何止千人英
吳公失名字功業曖不明要非萬頃陂莫着橫海鯨
當時好賢意豈愧勃與嬰蔽賢如面墻自使兩目盲
好賢如力穡穰穰嘉穀成至今餘慶在望著河南城
如君豈其裔樂善莫與京高門二千石世德故可評

平生周旋士徃徃凌青冥作吏今十年讀書不求名
向來光山政何異古所稱嗟哉士營已寧使我負人
聊須借汝頭一用朱吾輪今君乃能尔所弃如毛塵
故知古賢世尚見風俗淳猗予一畸士落落良可憎
折胥務求合俗眼竟不青憧憧九衢內邂逅蓋一傾
何從乃知我頓有交舊情相隨若形影出語見肺膺
長安速化地頑鈍終無營中宵起歸思襍被東南征
投林無擇巢促步無安行寧嫌蕞尔邑要是衆不爭
紛紛同舍客聚散兩不停毛子去山邑哦詩對崢嶸
想見簿領閒烟如九秋鷹毛世高個深州戢脩翮題輿重履

陵胷中若懸鑑圭角不自呈上官閑中城石老故游倦飄蕭

數星星崇山古惡地無乃煩咎榜音彭石興宗振有程翁子悉有時名早死

頗專嘿兩版晝夜局時時繫烏帽匹馬挾二隳安知

剎那間一卧不復興程興之其餘復誰在誰與交忘形去

駕雖結轍來櫓競揚舲懷君尚留寓京塵染裾纓其

誰念久要佐子飛且鳴况君緇衣後世故飽所更會

當力推挽橫絕非階升却顧五湖上有人方耦耕

焦秀才出舊作送李世弼佐古詩李侯舊

見知今亡矣覽之愴然為和一首

李侯使東南談士不容口傾倉飽元元倒屣先九九

虛懷無故新盡下商可否摛文真鸞鷲放異自科斗

臨人武城宰薦士河南守當從古人求敢用時輩偶

如何二毛初蒿里澆絮酒悲歌不成章千古一揮手

酬焦秀才一首

焦生老儒冠耳目接前輩詞源如春水浩浩漲清渭

長篇極春容島可直瑣碎人生各有趣相笑等醒醉

胡為嗜文章不作速化計明珠枉投贈懷袖欲三歲

今晨雪寒門剝喙驚熟睡軒昂開劇談良足尉幽悴

送林德祖致仕東歸并序

壯而仕老而歸理也士溺於仕故困而知還病而能

休老而知止者世則猶然貴之若德祖於斯三者無一焉然去官如脫屣是乃真可貴矣德祖方未仕以學行有盛名四十起家至爲部刺史所歷皆儒官入糾天府於今爲要地年始登六十茹蔬飲水神幹儼如也一朝浩然有歸志退自府舍不謀於朋友不告於妻子夜半狀上府晨朝可命下斯亦竒矣余行道南徐過故人蘇承祖出許振叔書道德祖掛冠勇決之狀余時冒初暑向遠途忽忽煩憤聞之灑然如挹寒流而濯清風也而或者疑焉余曰子無異也士溺於仕久矣其視爵祿猶飢者之羨膏粱渴者之赴水

泉寒者之陽而暘者之陰也意若攀垂綆而上千仞不可湏臾置也今乃有人負通博之才居軒冕之會非有宜去之年不得已之事也然且一朝去之彼以夸覓之心計之是豈不可駭而疑哉且仕不仕何常之有德祖非爲亢者也非要利者也徒曰適吾之適以遂吾之性而已雖然自砥節礪行之詔屢下所以愧責貪競者之辭實深聖主之所望士夫之恥也今觀德祖之去就重輕亦足以振士風矣夫仕者畢心力以奉所職處者先廉退以風士類是皆有益於時者也德祖豈不賢遠於人矣哉旣遇諸淮陰舟翩然

東使人有冥鴻之歎因爲詩以附諸公之末去
浩浩聲利閒靜躁同一區排肩日中市有類逐獸趨
中朝尺寸地衆睇咸睚眦安知大雲客出與飛雲俱
翛然棄之去初不計卷舒紛紛軒裳士瞠目口爲喏
茫然更歎息不問賢與愚乃知楊少尹未足繼兩踈
時當老而傳不失仕且居非同會稽史苦誓困簡書
不比狂季真索身憂病餘者年了無事方當騁亨衢
投簪逸湖海沛若縱壑魚雖無揮金事日者誰公如
清風激多士故是明時須恨無采詩氏儻有東歸圖
送太府宋少卿京赴邠州守一首

使君西南雋拔藻陽臺春聲稱動華省故是青雲人
時於鸚鵡行軒昂見長身向來清官曹往往席上珍
聊憑五經笥一校九府緡寧論尹卿筆有志不自伸
探懷出銀黃笑指漆水濱房公嘯諾地廐吏持朱輪
懸知涇渭閒廣畝連高囷洪河潤九里坐息西羌塵
長言繼豳風耕稼可重陳會當采謠俗夜誦供華勛

時寺監局務皆以中官總領宋卿按行左
藏庫杖胥徒一二人總領梁平怒遂出守

周太博推乃詩見投作詩酬之

在事常鬱鬱拋官意揚揚安能屈五斗秉耒庸何傷
往者永康令柴桑遠相望耳竈得頰尾縮手生青芒

投箸息吾駕刺口時談王坐見明月溪柔柯擢長揚
願以三寸舌橫流制湯湯櫺具鷲曼倩長裾識鄒陽
馮軾下賊壘頽雲如壞墻

少作

初秋

金天却炎威二氣始交戰雲竒未摧峯江淨欲呈練
曉風清蟬腹宿霧凝荷面涼氣忽侵衣庭花亂如霰

庭中紫

薇甚嘉

新涼發巾裾欣此清夜永寒蟲如泣恨啾唧不可省
急節度霜砧踈陰闕桐井林搖澹月碎葉颭幽露烟

坐久睇空簷流螢點秋影

秀峯遊戲效李長吉體

玉龍衝碧縈山脊蜿蜿踏龍上穹碧神竒鬼巧鏡高
青露厭春煙染山色舉頭便足千里遊太湖萬頃涵
天白剪霞巽霧濕青紅錦楣花礎明清空松聲拂枕
破幽夢冰輪逗滑寒臃臃殿角聯珠挂星斗透冷飛
光射䟽牖古香飄挂夜陰陰雲樓報曉生銅吼摧頽
羈客青山人悠悠九土飛紅塵眼前歷歷千古意琴
臺不見吳宮春

過顏幾故居有感

幽蘭忌當門野馬難駕車顏生跣跣士一跌不可扶
少年豪於文自擬靈虵珠生涯寄罇酒醉目隨飛鳥
興來不停筆似覺膽力麓開胃吐奇秀瀆湧春雲踈
欽崎四五十不挂薦士書漫滅禰衡刺佯狂阮生途
拂衣茗溪上茅簷客東吳懸鴉冬不完脫粟午未舖
醉中有天地別是仙翁壺惜哉不羈才白首甘窮閭
平時同袍客半在青雲衢音塵邈山河豈顧莊魚枯
羈棲風塵下日月雙馳駒誰知聚沫身倏去不可呼
死唯一函土生獨四壁居寄骸無尺地傳業無遺孤
詩人多命薄此語或不誣吳天千古月空照酒家壚

登凌歊臺

本宋武帝
凌歊臺

凌歊正在塵歊外四起雲山翠欲浮丹檻昔時空勝
事錦袍何處想靈遊鼇分一島來平野鯨吸長江帶
兩州手決飛雲天作幕坐侵寒露月垂鈎向來時有
千巖夢對此渾銷萬古愁醉目歸鴻天際沒地高空
闊更宜秋

同趙子雍過朱元益耜樂園

秋風脫葉盡弱質例可憎樂園森老木深蒼鬱奔騰
中有白眉子貌古心亦澄歲寒儷松筠豈直朱絲繩
蓋與一尋訪相携得長朋促膝對軟語沉憂釋春冰

叢編出竒蹤
璀璨獻與凝
琬戈及篆鼎
徃徃見未曾
慙君傾家釀
幽亭暮芳登
但怪一林白
孤蟾自東升
斯須接詩戰
掉鞅苦不勝
羨子醉經史
吾方着弓矰
白眼安取轉
尊拳恐相仍
見子意已足
何須酒如澠

送朱伯原博士赴太學

癸酉

朱公將赴成均時
炎炎六月雲峯竒
閭門鼓聲催盡
鷓陂塘菡萏方華
滋朝雲回首暮雲
合汗青鬼磊局
巖扉先生顧此重
惜去片帆未肯乘
風飛賤子乃前
致以詞誠知去魯
心遲遲丈夫出處
會有時從來猿
鶴焉能知醇儒况
復生盛世終老巖
穴將何爲公其
去矣莫回首君王
仄席思賢久公懷
慷慨善哉言挽
舟便出楓橋口

送朱伯脩延年入京秋試

朱生西遊不負書
堆曾自有一千卷
囊中亦不貯黃
金肯學癡兒事
遊宴會稽要待買
臣歸洛中須使張
華見扁舟去日春
正深嬌紅嫩白粉
成林沙頭酒盡
一麾手黃鸝亦作
離群音明年射策
先髦傑畫繡還
鄉春事歇剝沽美
酒膾鱸魚同醉垂
虹亭上月

雪中口占二首

萬木號風雪未乾
畫簷冰筋水精寒
日高丈五猶慵

北山集卷第八
起夢到江湖理釣竿
一夜滿城三尺雪寒林枯木盡生春
盆池水窄成冰
鑑庭竹枝低掃玉塵

北山小集卷第八

